

龍
眠
風
雅

卷十三之十六



龍眠風雅卷十三目錄

木厓潘 江蜀藻輯

江寧張 惣僧持 祭

同里姚文 齋螫存

左光斗 一百六首

龍眠風雅卷十三

木厓潘 江蜀藻輯

左光斗

字共之號蒼嶼萬曆丁未進士初授中書舍人擢監察御史視屯多所興復督學順天遼才別獎有真御史之目先是神宗不豫中璫劉朝等矯東宮旨搜索世廟戚畹絕莊公封還不啟奄黨深銜之及光宗登遐李氏以選侍居乾清公抗疏力爭與應山楊公蓮並為時倚重楊公疏劾忠賢二十四大罪公草疏繼其後未及上而同逐尋被逮與楊公同死杖下其前後疏稿及頌繫本末事詳國史不備載崇禎初詔褒忠節贈副都御史再贈太子少保予三代誥命賜祭葬謚忠毅公大節炳青史不必以詩傳然觀其檻車急徵時慷慨悲歌亦可以知其志矣

咏懷詩示繆西谿宮諭四首

芳樹臨華池其下多芳草埃風吹歷亂嚴霜亦何早芳草既已摧芳樹亦云老宮中有佳麗儀容多窈窕封狐

音耶屬飛卷十三
競妖冶蛾眉不自保青蠅點白壁棄擲何足道
飛塵避白日天地失其明曾參不殺人慈母胡不驚願
迴若木光一察葵藿情墉鼠牀下語蝙蝠梁上鳴黃鵠
摩青天不與世相爭哀哉險側子用心何怍怍
老狐戴鬪髀夜拜北斗神綏綏曳長尾頃刻化爲人我
有龍穎劍欲殺投水濱丈夫報國家鴻毛安足論擊之
一不中徒爲鼠雀嗔多彼寒蟬輩教我守沉淪
玄鹿遵長林白鶴舞晴雪山中有神人避世修隱訣呼
吸通神明坐對忘寒熱出世君何長入世我何拙煩師
指病根迷途頓悟徹長路進雙履霜飛水凍冽

題友人卷四首

我聞巫咸氏復聞歐絲野耕織罔所須衣食多優暇既
已無艱辛亦復無教化眷彼徐之翁詩書起躬稼不寧
開子孫永勸來者駕

龍蛇在螫時往往風雲護何況神明人而無天佑助無
趾尊足存塞翁真不誤玉汝亦何勞行矣翔天路
崧山有流膏著處結珠顆黃帝旣以饗君子以禦禍積
善貴積源冥修戒無頗照者亦非熒明者亦非火美哉
雙璧人取券豈云左

小盜盜如鼠大盜盜如虎鼠竊猶可防虎殘不可吐嗟
哉南海民賴翁得安堵翁去權使來荼苦十倍虜螺蚌
無生胎波神無寧宇何當叩至尊令珠安合浦

哭萬元白

黃霧四塞遮薊北浮雲滿天蔽白日道上狐狸走入宮
壯士聞之聲慄慄西江萬公真人傑手攬斧柯伐三蘖
上疏直數中官罪一時羣小皆咋舌胡爲矯旨杖獄中
血肉淋漓聲音絕義士揜面各吞聲不覺唾壺盡擊缺
果然恭顯殺賢傳中朝之事尚何說我有白簡繼君何
能已與君同遊杖下矣丹心留在天壤間沒沒之生不
如死

九日懷親

故園秋色好三載滯歸車問節驚初度思親數歲華場
應升晚秫霜漸老寒花莫便登高望蒼茫思轉賒

壽伯兄五十

老丈看余伯追隨似昔時衰從今日始非自幾年知秋
色驚加瘦黃花發故遲莫辭桑落酒原上正參差

小築

卜築龍山下蕭蕭只數椽客來頻坐石鶴唳欲驚天花
竹分隣圃栽培問長年月明乘興返曳杖度前川

築成無花

避俗聊爲爾時花不可圖秋風當晚落黃菊未全敷拳
石淒無色雕欄勢轉孤春光應爛熳竚想欲狂呼

九日遲赤城不赴有作賦荅

似爾情耽放偏余禮不苛一觴遲老友隨意出新歌山

水尊前合風流醉後多東籬與北郭秋色定誰過
吳繩之有約不尋詩以徵之

客裏誰相召愁懷直到今狂歌驚驟雨瑤瑟待知音一
再占庭日悠然見汝心轉憐暝色好無計破孤岑

題邢子冊

薄俗誰當近君真大隱人眼前俱鹿豕生事信風塵醉
敢辭同俗窮來有一身轉疑吾道拙卜宅作比鄰

王化卿方玉成共遊浮渡永夜有懷

秋入浮山好興言已自饒詞人清並往松月淨相招色
界空中靜窮愁醉裏消慙余雙屐齒咫尺一峰遙

壽家君六十

生我今三十知年是六旬斑斕將野服祿仕本居貧大
藥扶身健諸孫繞膝馴寄情雖一壑猶得戴皇仁

出鳥石岡

漸喜塵囂遠旋驚野色明鳳山青欲送桐子鬱相迎場
圃牛羊下村籬鷄犬聲幾年還薜荔底事悞浮名

出孔城

歸途曾滯此三載又重過村巷還相識兒童拍手歌片
雲高岫出荒日古城多去住身何主驅車晚渡河

過浮山二首

五載浮山路經過復此隈芙蓉當面出島嶼泛潮來丘
壑吾將老風塵爾故催最憐秋色遠行矣首重廻

未卜吾廬處偏憐此壑宜好山圍四面曲水繞千池寺
隱僧時見源溪客自疑不堪樵牧問應動向時悲

遲諸弟試音

夜起魂難定行吟再展文我疑皆失學人或擬空羣雁
影寒江並燈花永夜紛幾時欣握手酬唱壯風雲

山居謝山人過飲

念爾山無色相逢闔市間添爐遲白雪出句見青山春
好還通屐尊慳略破顏同遊惟我共未許厭躋攀

雪霽道中口號二首

出郭舒新望寒帷對夕暉濕雲留野樹晴雪照宵衣寒
力催梅發春情入草微故山有茆屋鎮日未開扉

已霽天猶雪離離樹欲低寒暄衆壑異向背一溪迷凍
犬迎人靜饑鳥下食齊墻邊攜犢叟趁曝夕陽西

除日訊謝山人西寺二首

歎爾長年困前途路轉迷羈栖依病衲操作賴荆妻弔
影將無醉排愁合有題平生關切意歲晚轉淒淒
兄弟動相念君貧日更增計寧謀食拙道自固窮能野
外春陰寂街頭酒價騰倒囊無長物買醉共山僧

穀日飲隣翁二首

入夜雨濛濛侵辰日漸融潤知春隴足占得歲時豐艱
食身何慮留歡酒不空鄰翁深命醉欣賞亦應同
愛客隣家叟皤然一古翁勸酬隨意到語笑仗人通述

舊存亾半評時得失公肯呼頻共飲相隔只籬東
君節畢嫁有作

歸女營曾竟啼兒淚不乾世多勞嫁娶君更屬艱難瑣
屑隨人面周旋稱婦歡一嬌吾漸長先此欲眉攢

園遊

不乏各遊處幽心愜老農雜花蒔野菜繞屋種長松
藉舉吾廬似蕭疎爾輩從莫辭深酌酒那得數扶筇

送友人

可惜春明道春光三月間故人何事別行色有餘閒
言上五臺去經游二寶山何如僧結侶獨往悵難還

九日對月

亦自尋常月貪看轉覺新清依雙白鶴照定一愁人
對面慙思婦低頭愧覽辰年年當此夕小酌共雙親

同中隱訪化卿談禪

滑嶺來容易慈雲出不輕經秋纔一面索處可為情
肥瘦驚相問存亾歎屢更坐深聞妙義近得解無生

化卿別後復別蓋卿

不堪搖落盡次第故人行老淚乾南岳柔腸斷赤城
蚬蟻侵素榻黠鼠上殘枰門外偏車馬將迎不稱情

九日懷方玉成

生事何為拙深秋滯遠歸黃花隔鄉縣鴻雁故分飛
何處登高酒寒砧寄到衣因君余閉戶無意蟹魚肥

龍眼風雅卷十三
蒿墩嘴夜宿

薄酌寬能醉寒燈晃不明苦吟村媪厭無寐旅魂清囑
僕勤宵秣呼兒試早晴聞鷄先接浙客路少嚴更

寶樹菴與松公

恰可稱初地千峰一室藏誅茅和雪蓋種栢與檐長苦
衲剛三衆真經只數行便疑超器界不復問西方
閱楞嚴畢遂征車北上別松上人

到此巖頭熟須防歸路生幾年皈老衲何泐斷時名白
業心須淨丹楓眼倍明世途真可畏勿過虎溪行

雨宿

小雨疎林淨虛堂老衲閒夜深官燭短病後酒杯慳起

和壁間韻行看窻外山一聲鐘磬寂明月滿林間

上陵

小雨忽新晴今朝眼倍明九陵青一槩萬壑鬱相迎恍
接風雲氣真從龍虎行飄飄忘所適回首失昌平

九龍池

削壁嵌山幽池平過雨收青天萬馬驟白日九龍游湛
影涵金鏡深源接御溝萬年芳澤在不獨共藏舟

長安口號四首

亦自稱中翰何曾博大官汗能滄馬臂飽不足猪肝衣
破還須典冠陳且耐殘休猜作兩殿不是這般寒
自不預人事門開也自關經旬一報謁長日是深山貧

病差相稱兒童久習閒昨宵新謫放報失兩長班
薄宦凶年併長貧百口兼虛傳高位俸不養小臣廉過
雨煤錢長將炎水價添可憐官樣子博得自家嫌
曼倩饑能慣袁安卧且便偶傳百斛米載得大官船妻
子牽相笑凶荒尚可全更聞捐俸詔不到小臣邊

西山六首

何異龍眠路所殊未有樵野墻藤作瓦村落樹爲橋向
背溪流轉有無嵐氣饒好風吹向夕滿路發松潮
望望碧雲峰嶙峋萬石封一筇通曲徑數里發深鐘種
杏溪成巷栽松盡作龍池潭清絕處尚隔幾重重
山市自成村山家薄有垣花邊溪繫馬柳外雜攜尊痛

飲酬佳節游閒見主恩日曛何處宿高枕老松根
磴削天全濶梯蟠地轉牢一亭環積翠萬里見秋毫白
日入林礙青天過鳥勞自從經御蹕直是五雲高
地主何曾問相逢但酒杯依人憐薄宦戀我是香臺婚
嫁期難畢風塵眼暫開岱恒清咫尺極望思徘徊
又復悠悠去翻憐草草過源迷疑不再隣接竟如何新
句攜囊少清思入夢多堅懷奇絕處歸語舊鳴珂

憶親

賤貧奚不適何事急兒官老眼燕雲破鄉心楚塞團屢
書聞歲儉多病况秋寒欲擬雙輿養無端去住難

憶龍眠山居

音韻風雅卷十三
卜築傍龍眠雲深一逕穿源窮纔見屋山盡忽開田芋
栗新栽得芻蕘任往焉笑余緣底事一別動經年

九日同友人閱武場二首余以是日覽揆

坐卧俱無著春秋總不知茱萸逢此日弧矢憶當時侍
子當關喚觀人立馬期便須強一出尊酒且追隨
帝夢急非熊徵材萬國同重臣親作鵠多士儼臨戎霜
氣侵驄馬風聲怒角弓勲猷公等在吾亦厭雕蟲

送何虛白民部督餉遼東

風雪暗雙旌籌邊此一行地官應特簡天子壯長城飛
輓終無計隨田可勸耕會看方略上不獨慰呼庚

送劉燕及嶺南四首

把酒不能前問君何處遷蠻方鬼是國炎徼火爲天小
吏誠何罪驕人不作緣到時檢謫籍曾亦有臨川
自爾矜行危偏余好服奇高馳能不顧此道復何疑偃
蹇有今日艱難負夙期忍將新刻畫倒置舊鬚眉
袞袞皆兄弟如君獨此行羽分雙鳳闕心折五羊城朝
議方如沸人情正好兵無爭是絕域君或厭春明
最是宜人處偏宜是廣州梅花萬嶺雪桂子四時秋舟
有西施並門多鮑靚遊從來仙作吏莫減舊風流

送汪嘯雲之粵

久客無歸緒飄飄又粵州過門能不入此世欲何求白
石終難煮丹砂不可謀從來鮫客淚未免向人流

音耶風刊卷十三
遭璫逐道中感懷三首

豈料陰初盛沉淫晝不開傷心惟枳棘觸目長蒿萊爭
說朋爲正難令鳩作媒呼天問清霽直待有風雷
幸未遭嚴譴居然許放還願難成栗里禍恐續椒山空
有安危計誰開語笑顏龍眠舊卜築長在汨羅間
曖曖浮雲障冥冥妖祲繁疲驢衝道路破帽出都門抗
疏功全少埋輪志尚存君王如可悔幸有老臣言

別雙親赴詔獄

再別不能去高堂有老親殺身成令子養志學忠臣涕
泣都成血生全或仗貧白雲如可望雷電豁青旻

畿北道中士民攀檻車持金錢相贈詩以謝之

車指燕山道徘徊感故人相逢莫下淚何事尚攀輪生
死成今古風雷任鬼神一錢從未敢幸不愧焚身

廿四日懷舊

風雨寒宵旅寺深濁醪清共老僧斟追歡強自隨燕俗
怨別難禁動楚吟十載浮沉餘傲骨百年生死總關心
殷勤後婦能謀酒一酌沉冥不可任

除夕與化卿中隱共酌

荒庭曆盡夜猶長談笑依依尚爾行賈島苦吟淹古寺
長卿多病滯他鄉無營轉覺家爲累得醉須知客不妨
華髮明朝看又改莫因牢落負春陽

正月二日對雨

前題風雅卷十三
金花彩勝競清明滿目陰雲四野橫元日先愁無望日
雨聲早已是春聲沾知弱柳行將動寒逗流鶯不肯鳴
獻歲空齋無一事舊編惟命侍兒擎

送賀長君侍太母還東

共君纔得飲屠蕪何事風帆便適吳餞襴總深王母戀
升輿各得冢孫扶江梅冷帶官衙色碧草青分南浦蘆
遙計回瞻知不淺重來共醉酒家胡

人日城望歸飲諸社兄

春陰寂寂眺吟違斜日當樓一放暉宛轉垂楊新濯濯
啁啾語雀試飛飛粘天晴雪千峰駐繞堞寒烟萬井圍
鐘動歸途詩半就尊餘栢葉忍教揮

戴令微訃至得化卿霍中書

兄弟當年意氣聞于今雙劍一時分招魂心向蘭前動
埋玉情從書後慙塵市不堪重買駿窮交况復歎離羣
遺編好在爲珍重老淚休令盡北雲

赴葉君嘗鄉莊途中作

荷盡新涼久注情幽期曉赴及秋晴盤堤萬柳高低出
亂眼千峰向背明稻熟天風農自得路經鄉國馬全輕
到來景色應逾好不惜清尊百盞傾

中隱習靜慈雲蘭若寄懷奉答兼呈石公上人

新著青州不耐寒梵鐘深處露華殘逢人強自呼居士
誤我將無是宰官縱酒清狂容惠遠多聞結習似阿難

聽來妙義深開示獨步階庭嶺月團

同化卿隨喜靈泉蓋卿許攜榼不至

無端秋思下平原
有客邀歡共款門
倒屣急須呼勝侶
抱疴強欲盡深尊
破雲月色分香桂
送雨風颺度野村
笑我空依梁上柱
何人刻燭待王孫

秋日送化卿之霍山

天空一雁渡檐陰
執手河邊送客心
奔走為憐高馬骨
姓名無那重鷄林
雲鴻正值歸途背
霜葉偏從去路深
莫謂桐雲渾不念
故園還有白頭吟

同化卿君節以冲集戴允乎樓宿余僦居北城

北郭東墻咫尺聞
風流當日見殷勤
登樓再值新秋敞
握手偏驚累月分
鷄犬幾家仍戶牖
弟兄強半隔風雲
多君無酒能酤我
一任沉冥到夕曛

中秋夜雨

高閣經秋爽氣開
擬逢今夕共徘徊
無端殘雨收還落
不定鳴蟬去復來
益睡世情聊剪燭
貯愁胸緒且銜杯
坐看滿目陰雲起
風響高梧一鳳哀

贈孫鏡吾

鏡吾氏久精禪那晚習韜鈴遠赴秋防詩以送之

筆花落盡劍花鮮
悟得塵緣卽淨緣
憑取金剛百八子
更攜家乘十三篇
烏藤立塵渾成戟
漢月胡雲總是禪
不信防邊有尊宿
新題妙偈在燕然

宴益藩西園

龍山孤峙擁仙居別閣西開爽氣舒玉額金題深護竹
雲繩霞笈靜函書秋風有客過叢桂授簡何才不予虛
盛事歸傳欽帝葉定知招和在笑渠
寒食道中卽事
二月春風楊柳烟一庭花事尚茫然幾家舊恨斜陽外
無數新愁高塚邊塞俗耕驢似耕犢燕人乘馬不乘船
逢迎官吏紛持牘問道閒曹不肯前

謁陵二首

皇圖天保九陵雄宛轉滌蟠見壽宮王氣總纏窮塞北
雲封高接大江東珠襦兩地山河壯桑土千秋牖戶同
鎖鑰只今誰可寄憂天空自厯孤忠

晝漏鐘鳴寢殿張漢儀周禮飭冠裳祠官帶珮承恩重
列辟徵金薦耐忙雲護四蛇常出没月明獨鶴自翱翔
總然盼嚮通呼吸未必尊親似上皇

送王蓋卿館赤城

驚秋旅客動歸程何事蕭條更遠征客淚總翻霜葉下
馬蹄直逐塞鴻輕逢迎到處傾新釀欣賞同誰嗅落英
清夜赤城回首望鳳山秋老可爲情

燕邸送友人歸里

薊門九月雪霜深短褐臨岐淚不禁逐電孤驕迷去影
沒雲高雁失遺音到時黃菊尊仍滿別後青山夢屢沉
爲謝故人勞問訊風塵早晚急抽簪

音韻圖卷十三
詢三伯父時訪知白兄却寄

秋氣蕭蕭萬木疎茂陵遙憶病相如北窓風好仍殘夢
南極星高不照廬伏枕懷人還骨肉杜門燒藥枉圖書
欲陳七發憐才少暫把金滕易子虛

過馬院屏侍御古唐山莊

近郭圍城景色新烟蘿繞逕可藏身隔離風雨花迎客
傍水樓臺鳥伺人抗疏傳經休足慕買山遊嶽總無因
與君試步長堤上霜滿青天月滿筠

飲吳體中觀察

鬱葱佳地敞高筵尊酒相看雨後天五木祥開星欲落
萬家烟淨月初懸玉壺寒至侵河朔銀漢秋沉逼酒泉

漫飲平原過十日還期夜載雪中船

盛匊泉方伯招飲却贈

一灣溪水一篙船炎夏何勞款綺筵君自蒲團甘白石
我將酒德訪青蓮籠中道士原爲佛眉嶺先生風是禪
此後彫胡堪作具相逢但可煮清烟

送文湛持翰撰南還兼寄姚孟常太史周蓼洲吏

部時以狀頭疏叅中官降調

曉露花深紫殿高爭看春色暖宮袍承恩便欲誅常侍
初服相將報聖朝阿閣誰能來歎鳳大江歸去怕聞鴉
中流若遇羣鷗侶如此風波不可招

贈方孩未侍御

才子名高賦早工西臺一入想雄風乍聞鳴鳥驚虞閣
早見批鱗出漢宮獨樹當陽輝北極五花嘶雨遍關東
同鄉何幸逢同調吾道如今竟不窮

楊大洪歸里後感示惠元孺給諫二首

痛殺龍髯攀不及障天毒霧滿朝危觸階流血君方見
叩闥排簾宮始移北闕雨風號二祖西山霜雪致三疑
至今永夜傷心事空向乾清涕淚垂
孤危少主自堪憐姑息翻爲婦寺牽利口果能昏白日
杞人只恐墮皇天行吟無地終懷楚擊筑增悲竟去燕
一死一生原是幻肯同舉國飲狂泉

送孫愷陽閣部督師關東二首

一天殺氣成秋色四面悲歌變漢聲忍見鯨鯢腥鴨綠
可無籌策返遼城袞衣急借周公出篋服還勞方叔行
報國有心常似擊只將龍樹乞神兵
丞相胡爲遠鎮邊痛成兩表出師先龍蛇原自推車騎
鸞鳳何能混鳥鳶若過燕然應勒石倘平回紇望朝天
王庭那及人心險只恐回車不肯前

酬趙儕鶴冢宰

東山鹿豕經年卧詔秉銓衡正百官憂國可憐雙鬢白
焚香爲告寸心丹身留一劍霜花滿話到三朝夜月寒
自分駑駘無足道何緣得顧便交歡

送魏廓園出都門

征車遙指向荆扉分手長安木葉稀淚洒九閭俱是血
烹無五斗且攀薇忍看毒霧黃河暗一任雄鳩白晝飛
我亦蹉跎從此去相期悲嘯採芳菲

寄葉臺山相公

黨錮將興便乞歸如公當日號知幾江湖何必分清濁
牛李難明孰是非生計青門瓜正熟功名白髮願同違
西行大禍猶能解莫戀灘頭舊釣磯

檻車至濠梁時楊大洪書至

荒郊一帶慘風烟緹騎徵車江楚聯含淚開書猶罵賊
同心共請祇呼天此生莫作無家別萬死惟知有劍懸
寄語故人須早發相期折檻 聖君前

與晦軒居士

拓落看居士風流想昔賢忘機鄰野鳥息踵伴枯禪性
喜愚公谷情宜大士蓮戶盈彭澤柳花滿辟疆園卜宅
纔三畝開池可一拳厨烟雲杪出山溜石中穿嫩綠紛
初染嬌紅半欲然叢林陰拂拂疎竹媚娟娟引鏡添華
髮張簾繞冽泉牛羊日夕下鷗鷺晚風旋孤客床頭酒
遨遊杖底錢不知城市變那問谷陵遷士畏題門外風
高折屐前雙兒齊鳳起諸子復蟬聯坐對河陽縣閒歌
桂樹天懸壺寬日月搔首傲坤乾鶯語堪簫鼓書聲雜
管絃相皮猶溷俗揣骨已成仙漫以三都賦聊成招隱
篇

音取風雅卷一三
初從金山自然師訪其兄松和尚

已過金山尋寶樹更從無著問天親山晴一月猶看雪
盡處山頭是上人

出塞曲二首

陣雲橫卷將星高獵獵秋風動羽旄揚旆平明屯渭北
銜枚薄暮度臨洮
羌火燒雲塞草枯翩翩獵騎海西隅解鞍卧鼓平原上
胡馬千羣不敢驅

入塞曲

大漠高空塵不飛新秋塞上草猶肥石榴紅綻葡萄紫
博望遙馳宛馬歸

龍眠風雅卷十四目錄

木厓潘 江蜀藻輯

松陵朱鶴齡長孺

同里趙襄國以贊 叅

林胤朝 十四首

謝 逸 三十五首

林胤瀘 二十四首

方大璋 三十二首

姚之騏 四首

倪應眷 二首

盛可藩 十四首

吳善謙 七首

龍眠風雅卷十四

木厓潘 江蜀藻輯

姚之騏

字汝良號渥源萬曆丁未進士博洽精理學
早歲授經及門生徒與兩弟成進士公猶未
補博士弟子怡然自樂及作令湘潭以剛介廉潔
著聞卒于官子孫林孫森俱幼詩文多散落然猶
有存諸門人及楚闈所拔士所後收輯過半林携
入山粹遇寇難與林所著述一時俱燼此詩亦從
外家殘帙中蒐出者文
人之厄不獨公為然也

故婦怨

新人初入門君子猶念舊妾顏誠已改獨特君心厚為
君常正色守禮肅中冓那知隄防疎衽席生讒搆束髮
為君婦恩深怨何驟驚雷劈長松黃霧塞清晝妾冤亦
何苦妾去亦已後欲語忌投杼恐復歸君謬吞聲下庭

音耳... 皆凄風拂羅袖

王昭君

羞澁貫魚末詎當明主意生非健兒身遠代和戎使闕
氏失顏色誰道漢宮棄天子念蒼生畫工豈必偽琵琶
抱私泣胡雛皆灑淚為訪蘓子卿昔年氊雪地

舟行

扁舟惟所適幽意托滄浪夾岼峯峯翠臨流葉葉香潮
生消暑力吟冷助波光遠浦青帘出溪杯待夕陽

喜汝芳弟秋捷

風雨相師閱歲年豈長貧賤久相憐半生枕被公超市
千里音書祖述鞭自信漫誇逢此日苦心端賴有高天

錦叢堂上秋花發為報孫枝次第妍

林胤朝

字獻璞號卞石少有夙惠一目十行嘗與戴
封君龍門背誦日曆試之不爽年三十一即

春夜飲礪中

華館清溪曲東風二月時人從花下醉簫向夜溪吹古
戍鉦聲急明河星影移樂遊殊未已遙認酒家旗

春晚

寂寞窮愁客蕭條春晚時東風吹野草宿鳥綴危枝地
僻來人少瓶空得酒遲浮雲他自散五柳是吾師

次韻答石浪上人

廬峯真卓絕靄靄白雲隈古木四圍合飛泉一逕開觀

心天籟寂說汰雨花來向子猶家累何時得共陪

縱江坐雨感上人

一雨春將盡餘寒戀布袍山橫雲影亂風急雁聲高運
甕懷先哲開門望太躬謀生甘苦拙鎮日坐江臯
山堂春雨喜友人過飲戲贈

投子山邊春色遙東風習習雨瀟瀟雲流石磴蒼松暗
水長川原白鷺高但有花同金谷酒誰家人弄玉樓簫
郎君欲去還休去墻外桃花故放嬌

遊偃月巖

桃花宴罷日將微策杖春泥草色霏雨潤山頭猶帶濕
烟籠石底若爲衣黃鸝幾處鳴低樹白鷺數行過淺溪

攜手狂歌新月上鬢邊斜插野花歸

人日讀鴻烈解有感哭渡之弟

曲巷蕭條晝掩關淮南讀罷淚潛潛當年意氣從君長
此日凋零剩我孱白雪有聲成古調青尊無計對衰顏
惠連何事歸泉早流水高山只等閒

丙午秋日過弘濟寺徧尋沿江諸洞晚登燕子磯
得來字

高閣憑虛逐水開清秋躡屐破蒼苔江聲捲浪潮初到
山氣蒸雲雨欲來客醉漫隨玄鶴舞僧閒未許白鷗猜
狂歌莫笑忘歸去明月還登燕子臺

過木樨菴

斗室倚懸崖，瑯窗向水開。無緣登彼岸，心上有如來。

過五谿橋登眺

細雨霏霏侵客衣，樓頭霽色隱斜暉。青林犬吠無人跡，遙聽鐘聲出翠微。

邀友人賞芍藥

翠葉紅苞滿院香，主人終日兩相忘。仙郎肯賦名花曲，那惜千觴與萬觴。

春日宿思貽堂值伯兄兩弟肄業別館

萋萋芳草徧天涯，嫩柳新篁翠更加。春色滿園誰作主，月明閒照紫荊花。

無題

細雨和風三月春，嬌紅嫩綠一時新。可憐夜半窻前月，夢繞巫山枉斷魂。

席上吹簫

月明清籟響天風，萬里寒雲一碧空。吹殺玉人聽不得，相思今夜更誰同。

倪應眷

字申之，號吉旋，萬曆丁未進士。除上杭令，為政平易，近民擢監察御史。光宗晏駕，引春秋世子不嘗藥，討正紅丸之罪。天啟初，首陳保身謹微，講學勤政，納諫擇材六事。及楊公漣去國，抗疏請留楊左，被逮。公亦削奪歸矣。崇禎元年，起南太僕正卿，未幾乞骸還里。年八十，考終，贈工部侍郎。

元日集慈雲菴

曾無隔歲約，元日集禪宮。樹色寒暄裏，年華新舊中。淡

知蔬味永閒可俗情空生事歸崑崙還期靜者同

雨晴登西山

但得層巒霽攜筇即共躋風和知沔解野迴覺天低尊
煖燒枯葉盤香發舊壘數聲山寺磬已過竹林西

謝

逸

字中隱一字無逸少貧從黃冠遊一日見其師登壇步罡作扣齒戒鬼狀遂大笑棄去折節讀書以能詩各里中先達如何相國吳宮論方中丞葉宗伯皆樂與之交詩筒往復殆無虛日洵盛世詞場之美談也性放達不羈曾預題壽藏云一拳買得屏西地生用登臨死即埋碑上預題三路字壙前寬撥兩重塔歲時好與兒孫集魂魄還同麋鹿借惜佚去末二句亦可以得其槩矣

美人

美人坐池上池水清見底照見池上人盪漾綠波裏鬢
影亂浮萍面色香流水借問洛川神風流得似此

元旦過慈雲菴禮佛同史長惺夏廣生兄弟集雪

公方丈有作

力疾過初地齋心禮梵宮僧鐘殘雪裏鳥語亂山中林
僻春先集人間念已空年年當上日蓮社喜能同

無美將歸欲賦詩以送之

新詩曾幾日容易便言歸近夏方思葛過春未換衣窮
途淹客遠末路借人稀相送樵溪去茅齋暫掩扉

盛少府櫬自浙中歸厝月山余往哭之

死痛張元伯生傷范巨卿青鳥應有兆白馬竟虛迎壠
木悲秋色河流泣雨聲空持懸塚劍恨未贈生平

寄倪司成索衣

秋氣日蕭森偏於瘦骨侵曾無入火術長有履冰心曝
日寒難送迎風病不禁綈袍憐范叔古誼見君深

喜雨獨酌

已向烟霞老前期信自然以詩聊玩世用酒且消年寒
氣兼雲度風聲雜雨懸欣欣蘇菜麥時聽路人傳

何宗伯招同石上人林塘休暇

上客歸田後林扉晝不關每同僧寂坐長到鳥飛還往
事澹流水高懷洽遠山叨陪日何幸消得念塵閒

春日同楊蘭似過慈社

東風先客到逶徑柳條新啼鳥爭求友遊魚不避人一
乘聞妙法半日寄閒身賴有招尋侶年年肯負春

獻歲後二日邀楊蘭似小酌時新移西郭

擇里不違仁追懽得所親椒酬迎歲酒梅發隔年春地
近西疇僻家依南阮貧論文如不媿茗飲莫辭頻

遊披雪洞

絕巘攀蘿上飛泉倚石看穿林虹氣落振谷雨聲寒洞
曲雲回合崑懸樹倒盤緬思濠上意千古此同觀

雨後賞月

豈不尋常見難于雨後看影纔離積濕色已逗微寒照
席燈光淺侵杯酒興寬薇花高出檻宛在水晶盤

過胡賓甫山房

長林延野色一室枕其間雅性原遺俗深居且就閒靜

音韻原雅卷十四
分隣寺磬清挹到窻山祇恐槐花發秋風送出關關
訪汪林叟山居

春山貪趣涉路在鳥聲中古木圍重嶂高崖閣遠空到
門流水白隔岼野花紅飽聽桑麻語塵寰了不同
東楊蘭似

昔擬芙蓉作心將徃哲同可堪年近老無復句能工好
尚人情異悲歌吾道窮君家有玄草名已遍楊雄
葉允男惠詩兼邀過集次韻賦謝

謝盡交遊賦索居剩將貧病老隨余追尋不但河山渺
音問還從歲月虛花徑漫勞存倒屣席門端望款停車
新詩字字珠同潤更乞分輝到草廬

同宣城劉鶴亭暨齊寧侯兄弟登投子寂柱峯誌

慨二首

鷲嶺蕭條鎖墓丘誰從燒劫問沉浮六時禪誦無僧住
九日壺觴有客遊苔卧殘碑餘字跡松埋廢址失春秋
趙州橋下無情水似感興亾咽不流

捫蘿重上柱峰巔吟興休爲往事牽白馬談天知有舌
黃金布地惜無緣遠峯對酒如相約新月留人不待圓
更向山靈盟一滴與君遊賞自年年

同何宗伯重過如意結夏分登字

路入烟霞紫翠層塵心先與磬聲澄犬迎花外曾來客
鵲報林中久定僧雨過前溪纔響瀑春回絕澗未融冰

前集卷十四
松風竹吹堪消暑况有羣峰選勝登

遣悶效長慶體

一丘一壑雖云樂捫葛攀蘿亦自勞但得草堂連竹塢
儘於行坐好逍遙眼昏字細書難讀骨痛尊盈酒莫拋
老去關心多少事可能不向醉中消

幽居卽事

茗椀蒲團可伴閒門無將送不須關天教老去身差健
人說秋來口盡還酒量近從謀婦進詩篇常以課兒剛
日長剩有牽藤事不是尋僧便看山

答姚康伯過訪

簷梅忽忽又經春覽鏡重添白髮新覓睡止因時事懶
典衣不爲酒家貧病于兒女關心切話到交遊冷夢頻
莫問別來生計好如棋著著總輸人

入郡訪何咸仲儀部話舊

風雨江城秋易陰西堂剪燭坐更深人于久別今重見
夢自中宵不再尋片刺已疎魚鳥字一尊猶共薜蘿心
因思往日梅花發誰共何郎倚閣吟

方侍御玉成何宗伯康侯晉秩志喜時有邊捷

忽報幽燕靜塞塵老夫愁破是今晨從前下盡羊腸泪
向後全多馬齒身調鼎特推名宰相安邊新拜大忠臣
務農銷甲堪行樂採蕨鋤瓜不厭貧

登投子

門外初晴見落花一年遊賞負春華共邀絕頂看雲坐
莫放深杯醉日斜江上亂峯青宿雨城隅一水白平沙
子規爲惜春歸早故向尊前喚轉賒

送方侍御還朝兼寄何康侯宗伯

已向龍眠葺菟裘帛書無夢到林丘曾因諫草聞新主
未許鋤瓜老故侯禁苑君高槐棘色山扉予掩薜蘿秋
寄聲曳履南宮客爲報爲漁困直鉤

楊蘭似約遊投子人力不便詩以辭之

濟勝曾無具探奇負夙心明朝重九日籬下就花吟

送楊蘭似應試金陵因念舊遊五首

後湖側畔憑虛閣覽勝當年記一登半壁有題塵土暗

君行但問六朝僧

城外清溪接御溝秋風曾繫木蘭舟長思燕子樓頭婦
緩引春纖弄碧流

碧峯寺裏西廊竹憂雨敲風幾萬竿避暑昔同僧下坐
渾身分綴碧琅玕

傳聞舊日烏衣巷世業崢嶸屬謝家曳履我嘗尋故事
古槐秋燕夕陽斜

家散金陵已十霜送君心逐楚雲長別時人醉槐花月
到日衣霑桂子香

雨憶無美

闌風伏雨作荒涼就枕攤書懶下床想得天涯未歸客

不因風雨亦思鄉

戲東楊蘭似西山看紅葉子以事不果

聞君郭外看楓葉每日攜朋買醉歸為問驚人誰得句
坐中應少謝玄暉

盛可藩

字屏之號蓮生光祿勅泉公之季子也萬曆

巳酉舉于鄉署龍泉教諭累官至戶部郎皆

有勞績督運昌密二鎮以瘁卒于官其子上林苑
監署丞邦孚上疏請卹贈光祿寺少卿所著有栝
甌吟諸

集行世
題林中尊所藏織錦回文卷後

幽懷一寸通天地璇圖錯織傷情字機杼依微離怨聲
錦絲綜合迴旋勢械寄安南見亦憐香車邁返漢江邊
頓教歌舞陽臺女又逐行雲各一天後有朱媛能作解

千里丹青摹梗概二妙應令今古存妬完趙璧知誰在
仇生繪事當時絕補畫能全化工缺彩筆深涵離合心
尺縑具寫悲歡色筆縑仍譜錦璇璣蘇蕙朱真兩見之
始知奩閣幽芳韻賴有芸窻慘淡思君侯博雅耽遐異
購得精妍吳錦製退食鳴琴晝下簾邀予鑒駁同遊戲
展卷徐觀三嘆嗟征人思婦意無涯陽臺若也嫺文錦
更有詩圖出寶家

劍川下溫處州舟行

山夾水無盡洲遮溪欲窮吼頻湍觸石洑急溜迎風村
閣多依爻川雲自向空樓船勞艤待小艇興能同

聞直指劉公錄薦

疎庸何得此聞說感還疑精覈方嚴額孤微乃特知羣
賢惜有漏當道信無私果爾復奚羨吾今可量移

李氏槎頭小閣宴坐

小閣溪聲裏長橋山麓邊洲分兩河色岼簇萬家烟翻
激中流確奔衝下瀨船檻前青玉案凭對日臨川

舟住

樓船不可上停待小舟來望裏澄波迴看時疊嶂開人
家隱烟樹僧寺隔山隈卽事堪留繫風帆任往廻

漫遣

年來數行役半在栝甌間孤泊每深夜小輿多險山風
塵雖獨苦客味亦曾嫺逆旅嗟人世誰能一霎閒

維舟交江散步玉峯山寺聊志所見

野寺亦幽趣山名額玉峯視泉茶竈側甃沼法堂東此
日溪松竹何年創梵宮因緣無處問惆悵翠微中

途中漫述

半是山腰半水涯橋頭著屋樹邊祠行人拄杖無車馬
村店懸茅代酒旗柏老子疑梅吐早藤稠葉認柳彫遲
嶺高礙日陽光薄嵐霧終朝上客衣

燈下瓶梅

折取寒芳置坐隅倩教銀蠟夜相扶蕊開密雪明細帙
萼襯微霞映玉壺落瓣似從風宛轉浮香不共月模糊
怪來素壁無人畫水墨疎枝自作圖

謝鄭中尊借畫舫

溪峯四面擁歸舷彩鷁衝波錦纜牽我自汎來仙令宅
人誰信道孝廉船風生忽覺身如鶴夜靜時疑案有絃
寬納烟霞遙載月惠人何羨濟輿賢

冬至夜飲甌城主人樓

向夕樓簷生月光錦屏紅燭照清觴客愁欲起主能醉
日晷雖添夜自長江蟹幾螯盈口爽土瓜一味沁心涼
劍川還往剛千里何必并州憶故鄉

聞量移南雍報

幾載棲遲溪嶺叢偶傳移席向江東頓教夢斷春官榜
還許班隨太史公寒地偏宜容措大散才長合老閒中

白雲咫尺江山麗不羨浮沉金馬翁

歸署

草裏籃輿沙裏船兼旬還往意蕭然何如繫馬堂階下
一枕殘書放脚眠

舟泊苦竹

潮近灘高鼓櫂艱好風只許到山灣夜深一片霜和月
彷彿蘆花淺水間

林胤瀘

字渡之號鵬山萬曆間諸生僉事未軒公之

次子也幼而穎敏神彩秀徹性恬寂不事家
人生產博極羣書厭棄舉業好為詩歌與豫章王
化卿宣同里方玉成大任葉以冲燦方君節大鉉
友善唱和之盛比于元白陸年四十二早卒子
菁為鐫其遺稿行世集中有與鄉人飲送孫逸人
遊楚二詩姚經三誤
錄為江公弘濟作

秋日清泉寺

嗟峨雙峯秀攀躋陟其端湖光浩蕩蕩山川何鬱蟠鐘
鳴上方塔月色逗林巒山僧遺我酒錯落盤中餐交立
兩盤石流水鳴珊珊黃菊遶石生颯颯松風寒

元日雪

同雲垂四野獻歲滿千山古樹衡門外寒鴉落照間獨
酬今日醉長願老夫閒向晚無車轍呼兒且閉關

春遊

絕嶂千峰合清溪一逕通舊曾來石上春引到山中瀑
布晴飛雪桃花晚帶風前村歸路遠明月影朧朧

春日同錢修甫野酌秣陵妹睇望久之

遲日山多色春風客見招花邊同醉酒松下坐吹簫宿
鳥翻飛急佳人睇望遙無情還有意愁殺董嬌嬈

道中駐馬流觴作

駐馬垂楊逕因過賣酒家輕杯浮野水听幘坐平沙雉
確依芳草鶯啼出晚花試看流幾曲獨醉日初斜

晚遊偃月巖

無復浮雲色春山極望遙鶯啼遶溪樹馬影怯危橋石
溜晴飛雨溪聲晚帶潮沉冥邀月醉遮莫盡今宵

春晚

寂寞村居叟蕭條花落時好風吹野色乳雀上高枝地
僻科頭慣隣疎貰酒遲考槃吾豈敢養拙是予私

音韻圖卷十四
溪行

古徑微風度閒雲逐馬飄芙蓉開野水楊柳帶橫橋鷺
下窺潭淨鶯啼出谷嬌此生無所用且得伴漁樵

夏日與朱漢卿飲萬松深處

孤峙一亭小清陰萬木攢到來無復暑坐久欲生寒放
眼頻浮白搔頭懶著冠醉來移枕席明月卧中看

七夕

今夕爲何夕他鄉酒一卮星河低北戶烏鵲繞南枝乞
巧傾都邑懷人隔水涯遙知愁織女夜月冷機絲

秋夜訪葉以冲

偶乘明月夜來訪故人家露氣侵衣濕山光帶郭斜橋

鳴流水急路轉薜蘿賒漸覺幽居近青松一徑遮

懷化卿

江鄉同作客旅館忽驚秋露冷蟲依戶天清月近樓蓮
房擎葯小桂子落花稠不見高陽侶令人起夕愁

九日山中

微雨秋山淨朝陽射却迴空庭槐葉下滿地菊花開一
卧維摩室長閒靖節杯今朝清興發可有白衣來

化卿玉成見過

對酒不肯醉無爲空見思寄書如昨日入夢憶前期下
榻山堂裏懸燈暮雪時悠然無俗韻相與一題詩

春雪憶化卿

故人晚歲移家別千里羊城已到無候入新年時物換
舟淹遠水客身孤青峰迴見匡廬色白浪橫行彭蠡湖
風雪滿村酤酒處遙應分念及狂夫

送化卿還金川

白雲滿谷留君住何事年年輕別離細雨村頭沽酒路
微風船尾釣魚時匡廬山下桃花水彭蠡湖邊楊柳陂
取醉一迴歌一曲就中應有和陶詩

中秋夜餞別玉成之古田

秋風嫋嫋動林端霽色初開嶺月圓十載故人成遠別
一尊濁酒罄交歡知音海內憐予寡作客天涯見爾難
何處扁舟相憶切蘆花楓葉暮江寒

夏日與漢卿飲

遶院長松十萬株高風謾謾滿庭隅花間啼鳥聲多少
郭外青山色有無纖月乍生依古樹明河半落轉浮屠
蒼苔石上堪趺坐一曲清簫酒一壺

友人攜酒問病山中

山居鎮日無巾櫛寂寂柴扉晝不開噪屋頻驚乾鵲喜
叩門忽報故人來草堂自此生春色遠道何勞載酒杯
力疾從君拚一醉不知明月上寒梅

九叔宅逢李含之

牢落長憐李白才琴尊漫擬共徘徊秋風江上扁舟別
歲晚山中匹馬來萬里雲陰橫地合千崑雪色擁天開

嗣宗頗愛清狂客不醉無辭小阮杯
千巖雲色澹天開
清明東孫對之
薄暮應歸猶未歸
細雨東風春草霏
桃花灼灼柳依依
孫郎獵騎城東過

卽景二首

山下青楓楓下烟
人家茅屋兩三椽
蕭蕭馬食平蕪地
喔喔鷄鳴近午天

蠹蠹青山橫郭外
翩翩白鷺下溪中
輕蓑短笠歸來晚
兩角黃牛一笛風

李太白酒船圖

紅錦宮袍綠玉杯
垂楊拂岸酒船來
遙知詞客江頭醉

夜向金陵權月廻

吳善謙

字伯亨號黃嶺萬曆己酉舉人其父為壽寧令嘗攜之行能佐其職及釋褐為台州推官廉平不改父政著有三台平反緒餘二錄台人至今尸祝之崇禎初以卓異擢南京監察御史巡視下江居言路四載奏議凡三十餘上諤諤敢言皆有裨國是不蹈毛舉驚擊之習尋引年致仕卒時七十來

狂歌

男子未成名
藏器在空谷
所傷知音希
終日長頻願
朝看金烏飛
層霄晚看蟾蜍照
我屋流水年華容易衰
兩者分行何太速
吁嗟乎古來賢哲遇合各有時
誰定英雄誰碌碌
欲將此意問蒼天
風雷夜吼蛟龍哭

哭盛蓮生年兄二首

曉來西問草堂前
衰眼難禁涕淚漣
榆社交情能有幾
竹溪詩酒竟無緣
夢迴夜月期招鶴
老入殘春怯聽鶉
最是傷心言不得
餘生風雨有誰憐

十載故人零落盡
孤忠此日爲君悲
西山爽氣今無主
北闕名臣更是誰
庚癸頻呼勞仰屋
庚申失守竟騎箕
挽郎莫唱丁都護
朔北風號萬馬嘶

遊飛來峰

層峰疑豹復疑獅
靈鷲飛來面面奇
逗得壺天纔一綫
滴將鍾乳已雙垂
樹深不覺雲歸晚
逕曲翻嫌月上遲
絕頂欲登苔蘚滑
重遊選勝却何時

憶天台鴈蕩

五載霞城輟簿書
桑洲卓嶼一肩輿
玉京敲竹陰森曉
古寺觀濤瀑練舒
石罅寒泉吹澗壑
巖前清露滴襟裾
歸田忽憶曾遊地
悔未桃源早卜居

楊白花二首

二月春光好
楊花歷亂飛
清明風漸至
飄泊更何依
義重猶難信
情多休浪誇
願郎心事定
切莫學楊花

方大璋

字君重號玄圃萬曆間諸生蔚有聞望學使者屢試高等其爲文如初日芙蓉自然可愛一時名公卿皆愧謝以爲弗及尤好爲大言風發泉湧輒傾其座人卒以負才嬰忌有姻戚誤殺人慨然身當之遂抵罪病死獄中讀其寄人詩有何人打破豐城獄取出龍光舊鐵磨嗚呼可悲也已

擬古二首

臬謀鳩將徙不如變其聲
揭竿逐愈重請鴉作鳳鳴美

言以市尊神聽終和平居室千里應至哉感物情勿以
細微故蟻穴虧金城勿以陸離故豹皮藏凶兵白圭玷
不渝磨甃堅以銘空文可馳騁彌衡至今生
五尺紅珊瑚芙蓉嬌子都一朝不得意俛首藏溝渠金
石猶可泐榮華那得俱丈夫不識丁面孔乃如屠作使
飛揚意特達將奚呼小心懿文德含垢養明珠

三月十六日聞鶻二首

桐子去江一百里山頭日夕杜鵑呼土風不與江南別
惟少遊船行酒壺此物鳴時候春作田父宵征蠶起箔
小麥大麥青未黃煖日秧針揚線絡出門入門各有營
火耕水耨事生活筋力乘時不肯閒偃息蓬蘆纔睡著

君不見鳳儀布衣長松山有田一頃南城間一朝豪雄
結大姓殺人放之野水灣犁鋤筆研皆塵土展轉春風
六載還妻子有情應化石女兒無父亦垂鬟不復上書
能叫帝祇應啼血淚痕斑

二月紅英飛雨餘鶻周啼向五更初哀哀失乳兒聲似
東叫西呼泪滿袂人生乘時要努力機會纔差悔何及
紫殿王宮不肯居竄枝跳葉空嗟泣冤魂怨魄遶蓁藂
破抵開誣須直筆君不見明經白面身七尺唇如激丹
眼如漆子虛妙麗壯無雙客難洗洋肆罕匹一朝漢法
用傾斜注眼韶光虛九十

行世苦

男兒行世一何苦落落生平在蛇虎十尺珊瑚斧作薪
照水芙蓉色如土七聖襄城具茨迷陽羨書生口中吐
昨日西秦御史來烈烈霜威行繡斧黃犬牌移黑犬項
都士峩峩看成堵各言自秉軒轅鏡誰能更擊登聞鼓
聞道秦關出死人更道秦坑沒迂腐亦有應侯數三罪
亦有商君問五殺亦有牽犬咸陽嘆亦有懸書陽翟賈
亦有鹿馬使詐奸亦有櫬壁身繫組嚴刑峻法削元脉
賣國欺君成毒蠱卽今漢法行大明長安滿令收閭豎
不天不日肉在俎非人非鬼魚遊釜諸公補牘舌欲敝
虎賁叫闐聲獨吼列缺豐隆闐不聞玉皇高拱尊神武
何況區區閭巷間么魔威福專明主自憐追琢媿章相
靡甕匪漏多苦窳馬醫夏畦賤不如兩道行天日正午
五世卽爲疎遠人小宗子名懸牒譜日下之燈不可然
棄市非辜亦何補有笄婉婉訓公宮六日懷中絕母乳
白頭獵獵西風吹腸斷不曾歌別浦御史卽欲燭隱幽
九鼎神姦格神禹

齒豁吟

青絲紫游年薜華秣陵金柳細藏鴉烏巾白面跨緱嶺
紅袖朱唇溢若邪當時擬就唾爲珠吹氣勝蘭清徹膚
玉杵玄霜知有分銀鈎敷水豈無夫那惹茗交佛手香
錦盆文石浸高堂愛把蜀箋臨小字爲舉湘卉理新粧
韋門全盛換華衰對浴鴛鴦飛背時掌珠遺挂心期碎

無復秭林第一枝臨邛富人欺倦馬長安老成厭新賈
鄭玄不省橋下追服虔寧能夢中啞失職詩書穩覆盆
猖狂落魄坐鉗髡聖朝空下求言詔甲族羞當殺士冤
歲月蹉跎鬢色皤涼風吹落桂花多齒豁眼昏心上熱
何人入室問維摩

將以是月日渡河對酒作爲此詩得四豪

薰風卷江天怒號五月十日吹銀濤吳蠶出繭桑枝高
美人織手爲蠶繅我今買得如瓜舸欲行不行空伏曹
橫劍羞殺五陵豪酒後還看弄寶刀

八月十五夜

開卷古人成往跡罷卷不飲胡爲乎腐儒關爾吏何事

忽然反接成幽拘小奴烹鷄淡無汁篝燈瓦缶然枯蘆
百錢日費不一飽飯行卽與愁爲俱徒御強作解事語
暫成寬辟翻向隅云是八月十五夜布衾斗酒何人無
英雄豈是悲兒女螻蛄要見青松癯骨肉大半復爲土
桑榆幾何鳥鳴哺劍南博得意氣酬鬚眉七尺徒爾殊
咫尺南山二頃田何時歸種豆一區終然精衛銜木石
肉芝不復生秦厨試看今宵秦淮橋上飲繁霜沾袖幾
歡娛

有鳥

有鳥有鳥遭網羅雄乎雌乎兩相過玄雲決鬱霜氣多
中夜徬徨可奈何不能對面航黃河洞庭咫尺如層波

枉有文章五色純漫言紅粉粧娥娥羽毛栗冽風蹉跎
竄影潛形伏水荷相見長鳴歎亦和不求比翼天雲摩
公子何人爲挽戈臨風一擊驅其囹雙飛起食芝田禾
報爾千百白玉珂

畏鵑

每到春花發隄防鵑一鳴紅英三月盡青鬢四時更菜
麥收平隴風烟護野城寧知湯火裏執熱變妻清

寄衣

只是和衣睡何曾解帶眠春寒中酒夜夏冷長潮天兀
兀還如昨慼慼不似前裁縫舊針線破涕一潸然

咏白苧帳子

郢雪扶湘簟陽雲汎月鈎氣凌姑射去神到洛川遊玉
像朝烟燭梨花暮雨收耶溪兒女手濯素亂中流

月出二首

月出燈花喜天晴鼓角清幾家燒短燭高燕擗香橙並
面千秋樂同心五夜盟少兒無限好隊隊遂生平
芙蓉方浥露橘柚已含霜那得尊前見難從醉後忘荷
箕催絡緯涼月照空床妾別君何處三眠蠶待桑

聞報三首

承恩非讓後賜歿敢辭先祇爲蛾眉悞誰將鴈足傳一
身都是舌萬字不如錢早識羊腸險何須羨執鞭
生殺朝家事直心尚轉圜祇緣成虎市遂復置魚笮殘

前題風雅卷十四
害安無恙傾斜大有權避嫌翻得謗發覆是何年
慣以薰蕕混何曾黑白懸放麀任獲罪脫兔故能全影
射機關巧風聞罍誤連九閭不可叫雷鼓正闐闐

見桃花

錦瑟粘多恨紅茵覆有情看花三月泪垂歿半生人草
木餘妻子風塵託弟兄本根却不異何自變枯榮

留別內弟二首

不是尋常見殷憂共歲華帆檣勞霧雨衣服帶泥沙餐
飲君還健佻我獨賒江前那可別會面卽天涯
魂苦蛟龍引名驚齒頰餘陰房流熠燿宵露滿蟾蜍海
鶴存清唳原鴿斷素書踏拖還對汝習氣不曾除

家訊

一浪通江濶魚船可厭鳴順風呼水鳥轉語澁秋鶯漢
上一槎近河邊兩宿迎天街多勝事人世恨難平

暖日

暖日將雛叫乳鴉玉人衫袖澹黃斜桃花放盡天無雪
杏子生成穀有芽汴水歸軒臨大道曲江遊馬趁晴沙
布帆海舶牽陽羨憶汎金錢煮雨茶

七夕

郝生庭際阮生竿標領新奇與衆看瓜果懶隨兒女意
蜘蛛恥結小人歡中宵情字叅難透半世私心話不瞞
鵲散杳然雲滅後人間天上兩漫漫

無咎家人送衣之六題問

衣裳寄取重封裹慈母西風老泪漣姊妹一雙操寡鵠
弟兄千里聽啼鵑荒涼廢圃行虛雨黯淡空厨學禁烟
更倚狂夫成蕩子不堪憔悴問天邊

雪後別李寅之中弟

如掌飛花撲酒香煥金鸚鵡喚人嘗丹楓曉角催行旅
白雁青霜別故鄉殘月帶星橫樹影斷雲將雨濕衣裳
溪聲山色長無恙龍岫還能憶鳳凰

得家訊

枯樹烏啼落井簷池州卑濕地形偏三年賦鵬徒傷賈
六月飛霜苦憶燕雀啄含桃江樹變魚嘗寢廟大官鮮

故園小麥婦姑穫黃耳音書太損眠

五日

我本楚人能楚歌况逢湘纍問湘娥薰風是日牙樁合
錦色當年綠樹多伐鼓揚帆知自好渡江投些欲如何
潸然一慟來千古掬淚遙添漢水波

寄人二首

昨夜天邊紫氣多司空悵望欲如何何人打破豐城獄
取出龍光舊鐵磨
春盡雨殘風力寒遙憐騎馬出長安下邳古道迷芳草
把酒中原落日看

又憤爲絕句

音韻通雅卷十四
弱冠談經太守知受書府舍衆人私不堪鳴躍虛耽酒
憔悴江干自賦詩

春思二首

花信春迴蝶翅嬌探春三月柳烟饒鬱金小婦薰香灰
芳草王孫恨不銷
齊山女伴踏春回水長平湖浸綠苔莫向翠微堤上過
東風吹雨濕紅鞋

龍眠風雅卷十五目錄

水厓潘 江蜀藻輯

黃岡杜 濬于皇

同郡范又蠡小范 叅

張秉文 二十七首

方氏孟式 四十二首

方大鉉 三十首

方氏維則 五首

錢巨明 八首

方大欽 六首

錢志道 四首

吳用舒 一首

龍眠風雅卷十五

木厓潘 江蜀藻輯

張秉文

字舍之號鍾陽萬曆庚戌進士由徽州府教授轉國子監助教遷戶部主事出知撫州府歷任江楚蜀粵司道居官清惠所至見思在粵平海寇李之奇等功尤俊偉崇禎丙子擢山東左布政已卯春城潰毅然以身殉遺書太恭人有身為大臣自當死于封疆之語與妻方氏妾陳氏皆歿之事聞贈太常寺卿予祭葬方氏陳氏贈一品夫人公年少登科文字膾炙一時歷任藩臬遇事處以淡定功成而退亦無矜容詩歌清逸幽遠與竟陵鍾退谷會稽陸景鄴相唱和有楚草閩草諸稿

舟中阻雨

一艇泝空明榜人爭荷笠寒雨響蒹葭浩浩水聲急怪石奔渴猊拏攫向人立舟師駭經過得失懸呼吸風緊客衣單竈冷晨炊濕撫景百慮煎勞生嗟靡及漁燈照

遠浦望望漾舟入殘夢續烟霞暫同鷗鳥集

過習家池

宴遊無滯淫勝寄托幽僻酒中得聖賢踞茲高陽宅山
公賦遐心劈沼疏泉脉石鏡水粼粼空明倒天色想見
酩酊時影落寒波白人遠池餘清來者迭為客愧無一
石腸坐待殘陽夕酌水漱餘馨寫照浴冰魄外懼兆殷
憂躊躇弔疇昔

驚白髮

清晨起梳頭髮短不堪櫛少婦從旁窺星星時聞出當
時美好人面肥髮如漆風霜換朱顏盼往猶昨日名泐
易生疾防身若不密安能染鬚髭徒工媚人術山雉息

丘樊飲啄全生吉免官豈待年萬事良已悉亮無金石
固起視歸雲疾

夜宿山寺

日午過溪橋日夕投荒寺馬行蒼靄中征衫潤嵐翠丹
葉警晨霜空中成雨墜淙淙繞澗鳴奔泉如渴驥山僧
避客深石戶長年闕剔蘚讀殘碑不復識文字崖空得
月全萬峰同一視鶴鶴如老人欬笑令心悸幽賞破寂
寥遠志于焉寄

出郭望峴山

遠城灩灩波紋泚十里香風散蓮子芡盤細縐跳雨珠
爛熳紅蕖嬌莫比隔堤一抹峴峰青秋淨雲霞弄餘綺

音賦屈牙卷一五
青山無恙閱人多，羊公去後龜苔紫。此日來遊淚已乾，
百年誰信魂遊此。鴨頭江綠潑新醅，如澆酒熟宜城美。
暫留鴻爪印寒沙，且煮鱸羹斟活水。不須回首恨無聞，
今古消沉夕陽裏。

席上醉歌贈孫子長

昔時長安聚知己，二三兄弟交如水。翁生陸沉金馬門，
徃徃逃名酒杯裏。李生磊落性難馴，掀髯如戟坐中起。
自言經術能致身，丈夫不向兒女死。惟君淡泊性寡營，
靜對琴書一室清。予時衆中推最少，共許聰明畏後生。
荏苒風塵牛馬走，屈指幾人名不朽。嗚呼翁李相繼亾，
吏蹟悠悠寄人口。君亦倦羽擇幽棲，泌水衡門聊樂饑。
藥欄唼唼禽聲合，花逕青青荔子垂。愧予一官徒小草，
何意聞遊續舊好。相憐死者不復生，可惜生者亦俱老。
憶昨策馬入皇州，清時人物偏風流。經過絲竹陶情地，
寂寞當年舊酒樓。

秋夜歎

修竹捎雲曳龍尾，桂陰橫拖一池水。簾前橘實布黃金，
餘香時逐西風起。客裏秋從落葉催，寒花一枝兩枝開。
流螢乍與繁星亂，急擣遙連畫角哀。主人支石惜清景，
水荇參差竹中影。仰視銀河耿耿清，鶴唳空堦一聲警。

襄陽無蟹戲歌

桐水湯湯軋魚罟，生縛螭蟬如縛虎。九日盤鮮饒老饕，

家弟傳觴送賓主糟臍撲鼻佐清醅爐頭酒鳴急風雨
揭來湘漢擁旌旄三秋日斷吳門賈忽驚有客致一筐
大婦生歡少婦舞掣筐氣澀色轉惡流膏潤剝汁鹽鹵
吁嗟萬事難預料眼前得失何須數江南秋老稻梁肥
此物村墟賤如土自是使君不肯歸空使持螯笑千古
泛小艇由曲堤入江
細港容舸小透迤緩楫行客情隨地得病况逐年生斜
照鋪江色輕帆發水聲蒹葭空漫漫搔首重含情

茶洋夜泊

荒驛停孤棹遙村接暮烟湖寬全受月窻小半窺天溷
酒蠅無賴欺燈蛾可憐清光盈一水流恨此年年

齋中閒咏

敢謂官如水傳家清白餘漸調人吏性盡絕故交書砭
俗新栽竹鋤蕪學課蔬忙中頻檢點雅尚未全除

山行

獨步尋幽徑殘花泥屐香山空雲影薄澗合水聲長溪
女花盈髻漁人罾聚梁濃陰如翠蓋儘可挈胡床

署園散步

小園寬數畝儘可縱閒身洗藥占晴日栽花記早春政
惟捐太甚官不厭長貧如此安心法無勞歎積薪

遊白鶴山

徙倚高原上茅亭住夕曛寒泉長浴日絕壑欲吞雲客

音耶居雅卷十五
至分林影僧眠下鹿羣隔溪山響急落葉已紛紛
過南華寺

雙屐耽幽興禪家日月長綠溪依淨地黃葉走長廊入
座窺僧定穿林度佛香不持三昧法除俗更無方

郊行

野望青難了長堤樹色連馬聲留去路鶯語入新年雨
足田家喜風暄牧豎眠留心爲客盡惆悵落花前

清晨入郊園

乘閒聊出郭春色與人宜帶雨蔬堪摘籠烟草欲滋花
眠風定後犬吠日生時羨爾溪邊叟持竿理釣絲

登聖因寺

平郊芳草合春水自潺湲尋寺不知遠逢僧相對閒墻
花分半面螺嶂出雙鬟如此幽清地何妨日扣關

偶咏

一生能得幾開顏風雨窮愁客鬢斑不愛熱官都是假
能消清福莫如閒書因眼倦收燈坐花爲頭多帶月刪
安得數椽丘壑裏孤雲半榻掩柴關

棗陽道中

十里柔條柳線垂撩人芳緒緩征羈高原麥秀牛眠穩
晚社桑稠犬吠遲入境漸占能吏色微風不廢野人詞
但看秧馬沿堤舉二月應知未賣絲

訪客黃華山中

小築穿雲事事幽人間丘壑已全收秋花落處香成徑
夜雨鳴時聲滿樓品石羣峰分甲乙著書一榻換春秋
分君清景無多日自笑殘生愧白鷗

九日登虹樓

百尺危樓暫一凭異方客緒若無憑石橋水靜潮初落
草樹烟勻月漸升人趁淺莎爭晚渡漁依寒浦聚秋燈
江南風物頗堪憶欲見黃花苦未能

舟泊建溪

畫橈斜渡曲溪灣霜剝丹楓慘客顏秋水落時恒見石
暮烟生處欲沉山澤鄉市近漁蠻集瘠土場空村犢閒
風景不殊人物異歸心時逐片雲還

雜感

蕭然巾舄靜閒門丘壑姿生物態繁風裊茶烟來竹外
石喧泉溜過松根煖波春漲添魚子微雨宵沾長竹孫
不用逃名成隱吏眼前山水亦清魂

和內子九日登樓作

閒倚危樓看遠峰鱗鱗丹雉間青松稚兒初習堦前步
病婦新蘓鏡裏容碧水跳珠秋浪重青山潑墨暮烟濃
黃花歲歲知誰健泥飲擎杯到曉鐘

秋夜對月

嫋嫋秋風入耳清空庭初見月輪盈松枝澹寫交加影
竹葉微乾欲脫聲童向花茵成夢寐客同露坐說生平

夜涼無數殘砧起千里嬋娟共此情
容同鬢坐銷坐
皆響亭獨坐

寥落天涯客思綿歲蕤芳草報新年
漸驚白髮堂堂至
敢羨青雲步步先
細雨烏啼芳樹外
斜陽人靜落花前
故園隔歲無消息
坐領春風倍黯然

附 方氏孟式 字如耀張奉常鍾陽公之妻也父大理卿大鎮弟兵部侍郎孔炤幼嫻女史備

有婦德年二十餘無子為夫廣置媵妾舉三丈夫子崇禎己卯濟南失守奉常殉節與其妾揚州陳氏同赴大明湖死事聞贈一品夫人所著有緝蘭閣集十四卷行于世其同年生孫昌裔妻鄭翁為樞妻吳翁之女佩玖婦蔣玉君各有序跋錢虞山以為庚戌榜下一美談云

四牡夫子行役志思也二章章六句

翩翩者雛蕭蕭其羽王事靡盬以風以雨琴瑟在右我

心悲苦

檀車憚憚悲風四起父母既遠維予與子相隔千里共

飲江水

贈別吳夫人之任

南國發蘭芷青青媚幽獨以之比佳人芳氣同馨馥良
觀洽遠心令儀鮮不淑葛蘿托高枝羈邸好逾睦然燭
繼宵光寒風吹落木清言未及終永漏嗔僮僕子行赴
雒陽翟服炫車輻邂逅帝城懽人生難再卜願同黃鵠
飛千里遙相逐

聞砧

秋將就夜半寒信怯無衣清砧新弄響愁緒倍周饑悲

霜啼頰潤怨露夕粧稀娟娟腰如束瘦影月光依懶撲
流螢扇暗壁淒蛭蟻縫裳漸無月徒寄遠心微金鎖遙
天合開時客淚肥風吹不到地願逐白雲飛

破癡

灼灼桃李妍飛向雒城邊東風無百日殘枝戀啼鵲人
生非草木有時固綿纏智障蟲語冰華悅馬奔泉生死
七堪內沈冥五濁前千金聘碧玉難買一心堅宛轉爲
情癡如蛾投火然守錢一毛吝醫貧半菽廉富貴不可
常胡爲膏自煎流光如逝水壽命匪山川堦前看走肉
癡骨埋荒巔

古薄吟

雲薄陰霾曜不開咫尺青天失斗魁白衣絮絮千縷合
宛似丹楓障楚臺葉薄黃金桑下意秋風亂逐桐葉字
不量相思情淺深有心負心落何地酒薄攢眉厭味酸
春風無力倚闌干斗酒溝頭人意別可憐生世合歡難
冰薄兢兢那堪履三冬不見盤中鯉寒江一片玉壺心
春來化作御溝水繒薄皎潔製齊紈動搖出入佐君歡
秋殘粉砌凋梧葉棄擲西風篋底寒墻薄負壤作良輔
依依時恐遭風雨不憐負築效勞薪別插槿藜作門戶
絮薄章臺楊柳花隨風時復過隣家黏紅點翠凌空舞
到頭不惜委泥沙紙薄寸膚白似玉錦字細研展心曲
迴紋機上怨流黃不及相思書一束秋雲一薄難重來

却似人情薄不回
百恩行

君恩如日就之竊餘輝海底紅輪出當心萬象爭曜靈
追渴敢恤生歎力君恩如雨微雨百丈絲颺空濕林圃
潤物無聲天地心莫教零落胭脂苦君恩如露溥溥濺
圓琛雙莖雲外鋪玉女掌上傳消息不愁畏濕金蓮步
君恩如山白雲天可接佳樹若爲攀石田不種穀與粟
勿使空倉饑雀慳君恩如海海深尚有涯君恩豈中絕
柏舟汎汎涕中流人間多少傷心血君恩如扇滿面春
風生經秋不可見花落花開尚有時冶容能奪詩書賤
君恩如鏡光若蟾蜍圓照人肝膽清三年不磨人面異

從前空自說傾城君恩如衣肯遣黃裳怨冷落六珈緋
東風葉葉噓楊柳故人羞著嫁時衣君恩如樹拂披清
且陰殘暑變涼素垂天百尺廣庇人一枝曾借鳥啼聚
君恩如瑟鼓琴如鼓瑟相思難成匹玉樓曲引鳳凰鳴
三峽猿聲流水泌恩淺恩深可奈何長恐恩多怨亦多
憐香惜玉有時盡消得春風幾日過

惜花早起

窻月影扶疎綠葉冑衣裳羅襪繞徑行燭耀海棠光露
滑嬌凭侍女臂玉釵攏鬢含殘媚欲折翻愁蝶意茫無
言桃李拋紅淚攀條倚嗅憐春姿不知鴛帶生香施千
蕊片時隨水落年年護花情較癡

擬春深詩

何處春深好寥天洞外峰白雲奔似馬明月放如弓碧
水環叢竹幽崖立怪松茅亭經一卷鐘度暝烟中

松濤

夢裏打流鶯窻前弄態輕雨深疑瀑落風至宛潮生枝
偃鶴無影天清蟾乍盈漏沈聲漸息龍女細吹笙

缸中小山

月明難取影風靜半浮烟草樹依峰活崑巒映水全一
拳疑積雪半勺肖平泉隙處遊魚戲依稀濠濮天

寄女

瘦影怯風寒炎天冷素紈倚窻千葉動伏枕半篇殘蛩

泣藥爐沸絃鳴絲雨彈良宵耿不寐辛苦倩誰看

美人梳頭

深院小桃叢紗窻春色籠鳳釵橫上下鸞鏡舞雌雄秋
水凝波綠湘雲剪袖紅錦屏嬌欲倚不語向東風

待月

遲月淡籠烟欺人較可憐荷風疎雨後螢火亂星前烏
鵲生殘影梧桐隱半絃巡簷聊默坐花上色娟娟

病中思歸

嵐氣爐烟合疎燈素影疑愁生零雨後病值落花期夢
裏鄉音近天邊雁字遲床頭閒月色心事薄光知

寄妹

江國成輕別花開兩見新桃陰依逕遠柳絮入簾親南
浦逢寒雨金陵值暮春淹留吾妹在何日靜風塵

哭甥女二首

憐吾雙鬢短愛汝及三春俊逸過男子婆娑慰老人拈
針分線巧剪紙繪花新一旦秋風瘁悠悠恨不平
寄去衣猶在含情怨莫宣吟詩依母側學拜向人前流
水消春骨深山識翠鈿蘭帷悽弱息添我淚如泉

春日隨任建寧過東林寺

東林今夕暫停車彷彿當年醉月華絕壁青山星斗落
環溪雪竇水雲賒荒村沽酒和松葉茅舍疎籬繞菜花
六十六峰連翠黛門前五柳是誰家

山路雜興二首

活活泉聲到處疑衝人怪石恰相宜悠揚彩旆迷蝴蝶
宛轉青帘映鷺鷥世路花間驕白眼浮生鏡裏落紅脂
馳驅不附青雲客海濶天長那得知

繁絲急管雜清笳篠簜穿林日欲斜春去柴門餘綠柳
香來籬箔遍黃花珠簾噴雪垂千尺茅屋封雲隱數家
烟景參差迷客思殘碑古道帶流霞

寄盛夫人

繁霜百歲冷春幃常共寒燈泣落暉黑鬢已辭泉下路
白頭尚著嫁時衣烟籠竹葉涼生案雨濕梨花靜掩扉
杯酒樓頭明月夜迢迢夢遶楚天微

和外黃鶴樓作

晴川春樹鎖眉頭
聞道君登黃鶴樓
鸚鵡洲前分二水
漢陽城外泊孤舟
萋萋草色春闈怨
活活江聲夜客愁
捲幔躊躇看不見
空憐新月曲如鉤

寄赤城媯母

別離兩度月華寒
遙憶空山薜荔殘
秋調轉悲絃上急
霜花漸向鏡中看
種瓜野蔓荒羊徑
羅雀高軒靜豸冠
此日梧桐憐夜雨
相思寥落碧闌干

燕剪

春風猶記到柴扉
碎草開花生事微
剖月若分初破鏡
裁雲似劈未成衣
穿簾難斷輕狂絮
帶雨偏侵冷落幃

來往空中如解恨
年年不爲剪愁歸

田家詞

榆錢不濟饑柳絲難織
絹木棉背上寒蕉葉作團扇

雨中惜花

小院春光好閒看宿雨過
最憐枝上色偏帶淚痕多

覽鏡

我有一片銅不令紅塵黯
相對寸心清何事容光減

田家樂

松下柴扉茅屋籬
邊竹徑清溪菜花蝴蝶一色野雀山
鷄亂啼

鏡中美人

玉臺光灩獨含情
秋月長圓遠黛輕
桃李春風多少恨
那堪對面靜無聲

芝城寄女二首

莫問花開花落時
幽芳不必闢濃枝
晝長無事香銷篆
朝誦楞嚴暮誦詩
常思雙鶴駕長虹
紅袖偏爭劫海中
有想但看無想日
消沉恩愛付東風

題牧童吹箏圖

青山影裏夕陽斜
終日騎牛隔水涯
到處春風橫吹盡
如何四季落梅花

憶舊

一別江潭月幾圓
相憐人面不如前
依稀舊日芳菲在
秋雨梧桐十二年

重感

髻縮綢繆已半生
秋風梧葉鬢邊驚
料君豈似潯陽柳
到處隨風舞絮輕

江上聽潮

乘春畫舫一溪雲
獨宿江州待月明
陡覺潮生驚夜語
南天寒葉盡飛聲

挽張翰秋思

遊子何來渤海居
月將花影一床書
江南秋色知多少
何必相思只鱸魚

悼女五首

寂寂空堦細雨霏
愁人無語月無輝
東風不肯留春住
花落重門靜掩扉

杜宇年年叫月殘
啼痕終日濕闌干
可憐畫譜移山水
繡就裙拖寄我看

天涯佳節淚成行
鳳管蕭條怨玉郎
畫舫依稀殘月影
誰來波上數鴛鴦

自從結髮伴殘更
歲歲吟唔侍短檠
十四年間風雨夜
窓鷄鳴似讀書聲

寂寂孤燈獨掩門
三春桃李苦無言
不知死後相思淚
他日何人招我魂

方大鉉

字君節號玉峽明善先生之中子廷尉魯岳公之弟也舉萬曆癸丑進士第七人年及艾矣初除刑部主事張差獄起所保全甚衆尋奉父諱歸服闋補戶部主事卒于官先是明善家有楓杞連理之祥人以爲徵在二難迨廷尉公弱冠釋褐至御史臺公雖久困舉場卒魁南宮所著有聽峽齋草搴蘭館集與葉宗伯燦何相國如寵左少保光斗劉廷尉胤昌相劇切爲詩文士論歸之

題王將軍世忠卷

黔布不作千年餘
空留英蓼一片土
何來王家父子猛
于虎殺賊捐軀等鴻羽
已巳年間有流倭
潢池之內弄干戈
阿父草間拔劍起
挺身直擣窮山阿
先驅不戒奈若何
有子昂藏身八尺
眼光掣電髯如戟
手提螯弧兵四集
猛氣雄姿紛辟易
牂牁屬酋么魔爾
負固公然犯王赫
官軍股悸卻不前
奮臂一呼聲霹靂
六千步騎當

一面四十八日爭血戰黑臺諸洞枯株摧江津一路壺
漿徧披吭徑入青龍關鯨鯢授首呼吸間鄙夫妬功絕
後援嗟哉長子輿尸還人生百年俱有死死如君家父
子疇堪比南嶽棹楔 聖恩新婁山廟貌千齡峙矧也
將軍斬蓬蒿天子開疆乃千里安得閩外盡此輩海夷
邊寇俱面內區區狐竊鼠偷何足慮

寄周子

爲客無時了依人更遠遊番王家浩渺投子信沉浮生
理憑朱紱風沙送白頭邊雲日暮起愁殺薊門秋

曉出峽山口

斜月催行騎荒林亂曙鷄白烟一峽起蒼霧萬峰迷松

霖吹人面莎珠滑馬蹄莫愁江雨至旭日已前溪

投子山二首

鷲峯佛子地馬鬣侍郎封漆炬爐中火虬枝殿角松碑
鐫新勅重翠補舊時濃遷轉悲人世逍遙任野筇
磴險凭童僕松欹挂綵衣江湖絕頂盡城郭下方微泉
閔珠襦飾山空寶樹暉趙州橋底水日夜咽巉磯

遊浮山四首

巖業仙人宇幽深大士居青蓮涵月淨紅藥傍臺舒橋
水傳巉洞樓烟納遠墟此間堪煉骨鑿石小爲廬
羣聖棲真地躋探結趣長竹還嘉祐種塔是遠公藏苔
色縈仙井雲陰曳石廊洞門聊枕肘空翠撲衣涼

蘿屐臨丹磴石龍繞翠微風聲羣壑怒雲氣萬川歸
鬢仙人跡翩翩客子衣結跏雷洞口崖溜咽斜暉
勝槩雙眸有天奇千界無峽痕驚鳥浪泉顛詫鮫珠背
日崑樓窈穿雲石壁孤兒童解取樂躡踞學猥呼

泊牛渚

江上秋風夕蘆邊獨客舟雨檣棲斷港野火射寒流
酒懷高詠宮袍憶壯遊夜深雲霧散白月滿滄洲

天雄道上

洩雲高拂樹西日遠銜波鬼廟孤村火牛車異地歌
風帆纜白下霜轡又黃河飄泊今如此生涯竟若何

金陵歸舟

薄暮蕩孤舲江雲四望停烟連紅樹塢潮冷白萍汀
峭壁懸殘碣荒臺傍古亭謝公千載後高咏屬誰聽

浦月

浦月臨船淡村鷄喚枕煩櫂聲爭遠發客夢只頻翻
水下天門急風迴海口昏披衣問前渚蕪縣挂朝暎

舟至泥汊二首

一望雲連水孤舟繫晚陂斷圩初露埂破屋始編籬
粳稻鄉村急萑苻江路危東南有封事何日荷皇慈
濡須溪上桺偏解繫行舟江月清相迓天風妬未休
漁燈穿樹小雁唳入雲愁枕楫三更夢飄飄白鷺洲

宿僧舍

僧榻眠堪穩秋更聽轉長草蟲吟砌壁松鼠啣書床窓
冷芭蕉月鐘清殿角霜風波驚乍定早欲問慈航

遊大龍山

峯攢壑聳雲霄逼徑交林昏車馬愁翠嶺松風翻虎穴
蒼厓瀑布吼龍湫寺殘僧榻埋蘆塢日晚湖灘艤釣舟
延眺莫揮今古淚閒身應傍鹿麋遊

伯兄候旨都門遙寄四章

鑣鑣紫馬入都時鵷鷺清班指日期豈謂銓章違聖
主翻令待詔久彤墀桂薪珠飾家何給霜轡風珂路總
危一別鄉園十二載那能容髻不成絲
野老江湖恨未捐每從邸報問幽燕不聞鶴禁歌鐘鼓

但見貂璫上權錢徐泗黃河漂萬戶邢襄赤日憐三年
至今臺省無消息極目鴿原思愴然

庭闈白髮日稀疎弟妹蕭條尚草廬萬里風沙雙淚眼
十年心事幾行書雲陰鳩鵲迷仙掌日色桑乾冷客裾
獨把屠蘓驚節物登樓搔首賦何如

每逢朋好薊門還盡道吾兄憶弟顏對酒但嗟才落莫
傷心不斷淚潺湲舊交書札蓬蒿懶小徑茅堂烏鵲閒
日倚南雲望北斗幾時驄馬出燕關

送王化卿之霍山

飄泊誰憐王粲才年來私喜切追陪擬延峽逕花間屐
忽把河梁柳外杯鄉望轉隨關嶺渺客懷聊向野人開

懸知酒罷狂歌動南嶽孤雲首重回
陽平

陽平十月苦冰霜客舍風高冷鸚鵡亭菊孤開沙日白
樹鴉羣噪野雲黃囊琴匣劍俱含恨城柝簷鈴總斷腸
向晚題詩搔短髮豪華空負少年場

春日偕友人入龍眠

野水桃花三月天興來小騎入龍眠漸漸麥秀勻鋪隴
穢穢香蔬軟護田家嶺瀑泉松杪落華厓晴雪日中懸
忽看峽柳經年長把酒攀條意惘然

憑虛閣

虛閣嶙峋倚鸞峰下方雲樹幾千重臺城岳色窺簷靜

壁水槐陰著眼濃宮闕晴霄搏鶴鶴江天風雨挂虬龍
六朝舊業餘荒草壑底寒烟濕暮鐘

子夜四時歌三首

燕飛入儂房花飛撲儂面無奈春情何拾花去打燕
因風脫羅裳蘭湯新試浴能使儂身涼難解儂心熱
揚舲盪清沚鴛鴦雙雙起共歡劈蓮花中心實憐子

閨曲二首

灼灼朱榴照畫溪幾行鳩婦竹中啼陽臺五月多雲雨
郎在瀟湘何處迷

一日頻將一線加弓鞋繡得過年花牡丹都繡雙飛翠
妾繡寒梅獨宿鴉

附 方氏維則

司農玉峽公之女儒生吳紹忠之妻也十四適吳十六而寡一子復殤因矢志

靡他與老姑同卧起其兄中丞貞述公有臣門

三節疏請于朝三節一為張方伯妻孟式一

為姚前甫妻維儀與氏鼎峙而三也嘗預營壽

藏于西郭之兔耳山與夫同穴卒年八十有四

庚午生日感懷

十四適君子三歲亡所天一身事孀姑于今四十年始
意填溝壑有孤存目前不幸襁褓兒又復歸黃泉此時
腸欲斷苟生安可全抱志松筠潔銘心金石堅神明或
默佑他人豈見憐東溪桃李鬱芊芊西山孤墓含蒼烟
古來聖賢俱已矣惟有清風萬古傳

樓中野望

微雨晚瀟瀟山雲何處飄羣鷗藏野渚乳燕入溪條雲
外晨鐘暗湖中春草凋涼風聲颯沓一似海門潮

關山月

秋月照人明關山萬里征旄頭天上落風暈海邊生鼓
角□兒曲鏡歌漢將營此行何以報願築受降城

隴頭水

馬首望長安春風隴水寒堅冰開上谷游沫聚桑乾烽
燧雲間合旌旗雪後殘君恩猶未報不敢避艱難

寄弟爾止客白門

夜月光輝蒲柳華風鳴落葉冷江沙征帆一片隨流水
故國千山隔晚霞司馬定知探禹穴仲連何處却田巴

秋聲寂寂雙魚杳屈指歸來天漢斜

錢巨明號鶴汀邑諸生居家孝友門內唱和甚富存者不多見

為宗人陽谷賦

蔗山之山高突兀山中更有春陽谷千尋巖壑走雲烟
百道泉珠散林麓春日春風暖律回春草春花媚幽獨
主人本是王侯裔避秦應學綺與角移家幾度谷口春
歲歲山花壓茅屋鐵券金章眼底明詩草床頭牛腰束
風流更渡江東來使我一見同本竹今歲家園有同錢本竹此其驗也
塘幾年策勲名而今爾我各封域披圖細玩話重新淚
洒盈盈眼見骨固知百年瞬息間幸茲芳踪傳尺牘安
得盡聯吳越之舊封千枝萬派同雍睦

竹石圖歌

誰向壁間寫拳石石邊更染瀟湘竹濃淡掩映枝葉分
風雨時時生我屋不攜妻子升秦樓不裁鳳管吹嶰谷
閉門獨坐縱冥搜對此微吟差不俗

暮春書事

把酒尋詩近若何遊人隊隊試新羅風前斜燕空中舉
天外征鴻夢裏過草木葉稠花事盡園林果熟鳥聲多
無端却憶西湖上畫舫頻催十里荷

春盡

一聲杜宇喚春風蕭索園林幾樹紅紫燕雙飛朱桁外
黃鸝百轉翠陰中

音韻圖卷十五
和四弟苦雨之作

青精欲飯山頭寺黃獨空抽洞口芽
枝上不聞鶯百轉庭前惟有燕雙斜

寄陳喻簡山中

幾歲移家谷口東亂山深處雨冥濛
揮鋤不問山前路喜識于今龐德公

雪中看花

二月春風賽社神桃花零落趣詩人
花開莫訝江天雪著上枝頭總是春

梨花

佳人隊隊惜年芳百合香分淺淡粧
不爲收殘紅舞袖

爲君月殿舞霓裳

方大欽

字君典號唐山郡諸生明善公之叔子也母疾剗股以進秘不使人覺迨易簪之夕諸子見其癡痕始知之兩兄貴顯公授經自若年五十九將貢于鄉而卒所著有盛唐山人集藏于家

中秋宿松山舍弟大璿大城宅

爲問山中酒相知共幾人特來看月色
不是逐風塵夜靜山空鳥秋高白滿蘋
與君渾一醉何必問鱸蓴

侍御兄按河南歸喜賦

半百看兄弟搔頭髮欲皤萊庭看舞綵
魯日漫揮戈貧室貂裘敝華堂鳳吹多
歡呼乘暮景莫遣歲時過

廬江劉蓉江善畫梅客桐寺東詩以懷之二首

百里披裘衝雪來梅花數幅傲春開
何當一下東窓榻

音耶屈形卷十五
共語潛川夜雨杯
上方清寂綴梅花
汲雪焚香自煮茶
却笑浩然何處覓
不知春色屬君家

中秋三潭泛月二首

樂奏鈞天玉女班
青雲綠嶺作重關
不知法靜緣何術
傳得霓裳在世間

隔樹踈陰綴影寒
平空一鏡隱雲端
分明似有人來往
莫是文簫戲彩鸞

錢志道

字爾行別號茗水與弟爾卓俱有詩名

初秋同紀三江劉若颺何康侯汪偉長於道安飲
眺卽同泛舟遊羅漢磯是日三江移尊

共說長林好偏宜避暑杯
雲間雙鳥至湖上一尊開
松色延秋駐江濤噴雪來
高談推叔寶卽此勝蓬萊

外舅明軒朱翁秩滿北上賦贈

青綬原鷄肋紅塵散馬蹄
風烟迷去住萍梗各東西
帝里晴雲滿人家綠樹迷
去天應尺五寧復事卑棲

下清溪

片帆高挂片雲低
千頃湖光萬柳齊
日暮酒醒成遠望
家山無數下清溪

訪友

騎馬平明任所之
雙溪下馬日低時
美人家在雙溪曲
到得門前柳正垂

吳用舒字以長所著有挺鼻吟二百餘首李子芥須
又言以長酷好詩又好遊足跡半天下所歷佳山水必有佳詩中歲遊燕市遂死于燕詩亦烏有矣

洞庭舟中酬鄧覺宇先生

君得江山助烟雲筆底供歌聲原是鳳隱德信如龍碧
湛瀟湘水青迴十二峰片帆相晤處新月上芙蓉

帝里神靈歸入來紛紛教法天淵只宜取法事東海
青鸞鳳雛出為鳳雛語語風吹去出華野舍東西
秋風即神來餘輝尚非止如龍
白銀煉爐出為鳳雛語語風吹去出華野舍東西
其詩是林林秋神靈歸入來紛紛教法天淵只宜取法事東海

龍眠風雅卷十六目錄

木犀潘 江蜀藻輯

泰州鄧漢儀孝威

同里左國治子周

叅

姚孫榮 三首

方氏維儀 八十首

龍眠風雅卷十六

木厓潘 江蜀藻輯

姚孫榮

字前甫贈光祿公芳麓之伯子也性秀友沉靜好讀書十歲遊世父湘潭公之門經其指授一聞百徹士林咸推重之以績學善病賫志而歿所作詩不下數百首俱淪佚不存今搜其一二特筆續之餘耳未下人方氏維儀做柳下易名之義私謚為良隱子

都門寫懷

花開籬菊正霜天遊子都門倍黯然聽徹漏聲金闕外
望殘行色錦鑣前鄉心夜月三千里病骨秋風又一年
聞道漢庭多薦士可緣筆札賦甘泉

和韻奉慰外舅魯岳方翁

西風蕭瑟薊門寒十載相逢病裏看日月乾坤誰補袞

古今詞賦自登壇陽回玉瑄梅將發霜老東籬菊未殘
主聖固宜稀諫草淹留好共酒杯寬

病中不寐

獨卧空齋裏堦前樹影偏已愁蟲語砌更是月當天

附

方氏維儀

字仲賢延尉公文孝之仲女姚前甫公之妻也年十八寡居因請大歸守志清

芬閣與伯姊孟式姊婦吳令儀以文史爲織紵教其姪以智儼如人師手定古今宮閨詩史主于刊落淫哇區明風烈君子尚其志焉著有楚江吟歸來歎諸稿與從妹茂松閣吳節婦俱守貞至八十四而終節婦之爲吾母序松聲集也日感時悼志每見之於歌咏讀其詩可想見其託寄矣

死別離

昔聞生別離不言死別離無論生與死我獨身當之北

風吹枯桑日夜爲我悲上視蒼浪天下無黃口兒人生
不如死父母泣相持黃鳥各東西秋草亦參差余生何
所爲余死何所爲白日有如此我心自當知

訓女童

燕子在高梁仲夏風日長園中桑麻成歲月殊未央
啣教童女紡績盈傾筐積寸累丈匹可以作衣裳

伯姊之粵有贈

昨歲長溪來今歲粵中去此別又數年離當復何語明
發皖城渚山川隔烟霧皓月臨蒼波春風滿江樹

弔古

陰雲蔽白日殘雪明堦前
鷺鳥鳴無棲北風滿霜天多

少苦心人虛幃坐渺然

晨晦

終朝無所見茫茫烟霧侵白日不相照何況他人枯
梅依古壁寒鳥度高岑靜坐孤窓中幽響成哀吟春水
一已平楊柳一已深故物無遺跡蕭條風入林

贈長姪女

女子耀九歲失母余撫之成人莊孫有禮居數
年今適孫氏余不勝感焉爲是勉之

九歲依吾居朝夕未離側傷爾早無母撫之長歎息天
寒視爾衣日暮問爾食常坐清芬堂花月照窓北宛轉
教數字殷勤調平之儉朴古人意由來重四德馬后著

大練敬姜務勤織班昭作七戒萬代閨中式承順在貞
靜言語宜簡默近俗尚繁華遨遊嬌顏色弁髦內則規
遵禮如荆棘新春爲人婦金玉光滿飾蘭蕙發東風雲
霞飛比翼百年爲娛樂日月未有極雖云已成人蒙昧
無知識誨爾語諄諄聽之當努力

寄姊吳夫人

閩山多瘴氣來往烟雲隔千里思皇皇空望南天白別
久易羅襦鷓鴣鼓春翻向來窓前梅于今高數尺

北窓

綠蘿結石壁垂映清芬堂孤心在遙夜當窓明月光悲
風何處來吹我薄衣裳

傷懷

長年依父母苦懷多感傷奄忽髮將變空室獨徬徨此
生何蹇劣事事安可詳十七喪其夫十八孤女殤舊居
在東郭新柳暗河梁蕭條下霜雪臺閣起荒涼人世何
不齊天命何不常鷓鴣棲一枝鷓鴣搏風翔焉能忘故
地終朝泣斷腸孤身當自慰烏用歎存亡

贈新安吳節婦

嗟君凜峻節聽我吟悲歌霜門久寂寞荒堦秋色多孤
松剝寒嶺歸鴈度長河皎潔獨自持甘心矢靡他聞之
一何苦歎息淚滂沱金石亦云堅乃能當折磨感遇從
佳召惠顧得相過置酒望明月集衣寒薜蘿幽窻芬黃
菊白露下庭柯坎軻同苦辛薄命更蹉跎白頭逢世亂
飄泊涉風波老大不足惜亂離將奈何

秋雨吟

高樓秋雨時事事異往昔骨肉東南居田疇稻不獲樹
葉色將變寒蟲語幽石孤愁多苦心四顧成蕭索雲暗
遠山峰獨坐苔堦夕

贈方姪女鳳儀

深嗟吾姪女慧質乃天姿閨閣十餘歲蘭東能咏詩父
母祝將來富貴肇厥基鸞鳳翔霄漢雙飛連理枝豈知
歸六載與君永別離獨幸生一男狀貌頗岐嶷兩女未
垂髫朝暮膝前嬉孤燕回梁飛匪石志不移努力飽劬

勤撫稚歲月遲莫云孀婦苦孟母無兩兒機斷三遷教
賢範古今師爾子學成日揚顯當有時峻節垂青史百
世爲母儀

擬古

八月天高雁南翔日暮蕭條草木黃與君別後獨徬徨
萬事寥落悲斷腸依稀河漢星無光徘徊白露沾衣裳
人生壽考安得常何爲結束懷憂傷中夜當軒理清商
援琴慷慨不能忘一心耿耿向空房

南浮十五夜

大龍山月生秋華光飛白鹿至我家我家山半翠微宿
常跨蒼龍乘白鹿晨上高樓捲紫烟晚風菱刺緩舟前
隔溪楊柳殘溪綠野水自漾湖中天休嗟南浦流聲度
隱落西園好花樹桂蕊飄香滿院幽氛氲何處廣寒露
人間星漢邈相期迴望清光不住時霓裳羽蓋今何在
渺渺江天一雁悲

有感

枯樹蕭蕭北山曲北山墳墓西山屬登樓直視空躑躅
從來壽命榮與辱千古聖賢更相續塵沙已掩顏如玉
黃金萬鎰焉能贖富貴繁華人所欲母寧庸愚侮世俗
一心區區常結束四十餘年甘局促十月床下鳴蟋蟀
庭前冬青子長綠憂來撫膺歌黃鵠苦言雖多爲誰告
嘗聞老學如秉燭日月詩書聊自勗庶幾不慚徒食粟

杪冬贈別汪姑姊

山高樓深月出遲寒夜三更叙故思執手斯須不能盡
歸家又是數年期荒村杳杳霜林白野外哀鴻獨蕭索
殷勤聊復片時歡別後故園風景易江城二月柳如烟
鶯啼燕舞清明天門前桃李迎春色湖上鴛鴦繞畫船
綺閣層臺連苑起美人含笑紗窓裏淡粧嬈娜下庭除
斜照芙蓉新出水芙蓉的的碧欄干寶瑟金尊典未殘
釀成初和薔薇露冰獻先開琥珀盤沙渚輕風吹杜若
亭中香滿羅幃薄紫簫繁管遏行雲微吟一曲餘花落
歡娛永夕賦同心曾憶歲寒清芬閣

短歌贈從娣方夫人

百卉萋萋春日遲觀書喜誦漢人詩每逢知己慰疇昔
念我寒燈靜夜時高秋日暮空房裏蒼山寂寞西流水
英英白露下梧桐獨立徬徨老無倚君家玉樹發薰風
一曲瑤琴芸閣中夜半子規枝上月欄干斜照碧池東
人生聚會光陰薄錦筵紅燭蘭堂灼對酒斯須當盡歡
留春莫遣餘花落

戊寅隨母楚養得娣倪太夫人書賦以寄贈

二月杏花春雨寒天涯愁思望江干千里故人入我夢
遠遺書札慰平安去秋別却故人面不知何日重相見
老大殘軀瞬息徂光陰豈肯與人戀自從年少至于今
顧復恩情歲月深憶昔亦園家園常權聚牡丹臺畔聽

幽禽瞻仰和睦長歎息貧賤周全衣與食族黨姻戚藉
餘輝恭順全無富貴色姚門賴爾起家聲教子皆成孝
友名七業俱興稱獨立昆仲吟詩花萼集庭前碧樹映
清觴歡娛偕老六珈熠綵衣明月翠羅香繞檻芳菲噴
海棠鍾山鳴鳳巢華閣河漢星稀清露涼回首德門人
爭羨我苦惟看列女傳秋風雁塔題諸郎明年夫子瓊
林宴

贈定遠徐貞女

徐氏女兮何嬋娟嗟未嫁兮隕所天誓柏舟兮金石堅
生不造兮罹迍邐父母早喪兮家不全孤心泣血兮憂
思煎躬撫兩弟兮授遺編厥弟彊仕兮繩爾先母事厥

姊兮無間然白髮蕭蕭兮悲斷絃操作勤勞兮鮮安眠
庭帷閨兮月空圓寒松翠兮靄雲烟齒已暮兮言難宣
能爲闡範兮垂千年棣華杖杜兮多才賢彰聞于朝兮
奕襖傳旌雙闕兮永無愆我聞歎息兮同可憐

貞節行

青青湘竹藹庭柯浩浩東流揚碧波蕭瑟秋風花落盡
高山樹色白雲多久別故人林節嫗深思老病持齋素
清操苦志數十年知心衷曲能堪訴月下驅車問爾安
驚看白髮心悲酸片時難罄寒帷事杯茗窓前更漏闌
今宵別後三冬速霜雪松聲響幽谷倏忽歲華佛日新
誦經香裊蓮臺馥

隴頭水

隴坂帶長流關山古木秋征人悲絕漠
馬識邊州戈戟立霜冷旌旗白日浮
君恩無可報誓取郅支頭

出塞

辭家萬里戍關路隔風烟賦重無餘餉
邊荒不種田小兵知有死貪吏尚求錢
全賴君王福何時唱凱旋

曉庭

東城溪水曲遠岫蕩烟霞曉笛引愁淚
秋風吹落花白雲當戶牖碧沼暗蒹葭
寂寞憐雙燕徘徊顧我家

晚步

幽砌深梅徑空陰涼氣賒閒來尋白石
隨意見黃花巷

老將飛葉林孤未息鴉曲欄凭薄暮
柳色淡烟斜

暮秋

一夜深秋雨山林天色青攬衣出房戶
落葉暗堦庭寒露沾枯草飛鴻亂遠汀
蒼茫河漢沒惟見兩三星

暮春伯姊召登心遠樓同諸美人宴飲玩月

柔桑布穀鳴引袂叙平生松月迎樓靄
臺花綴露清綺羅嬌國色檀板雜歌聲
不忍零丁妹相邀慰苦情

三歎詩

余四世祖蜀斷事公名洽當靖難時不肯署名
賀表被逮至望江江上遂自沉焉夫人鄭氏德
華抱其爪髮歸而守志有女育於川遂名川貞

許聘盛及笄盛郎卒其翁姑欲更嫁之川誓以
死乃依母而終享年八十屬續之日異香滿室
三晝夜紅光照耀不絕端坐逝焉吾家諸子弟
聞以內外事莫不稟成而後行宗族鄉黨化之
皆尊稱曰老姑云湮沒至今表揚尚闕家庭尉
以論蜀之差訟於當道於是金陵表忠祠成都
顯忠祠皆奉斷事俎豆駸駸乎遺風較著矣余
哀老姑高節爰賦三歎云

嗟公當靖難不肯署降名逮詔由巴蜀沉江近皖城招
魂空自弔剖腹向誰傾惟有秋潭月年年照水明
兩都歆俎豆斷事豈堪嗟黼黻存新淚衣冠肇舊家生

前臣節苦死後主恩賒今日繩繩者遺風連理華

當初歸皖邑腸斷不堪聞抱髮悲昏日看江思故君家
門寧寂寞兒女共辛勤母教風聲遠千秋皎白雲

涕泣分江口傷情入故林小臣爲碧血女子亦丹心孤
幙風霜重荒田雨雪深門前墳墓在松栢至於今
忠臣配節婦生女亦奇人未嫁歌黃鵠終年守赤貧雨
風常暴變組練自灰塵誓死庭前栢相看八十春
時抱亾臣淚能縫老母裳人生誰不死苦節倍堪傷臨
沒猶端坐中庭聞異香一門有如此誠可對先王

獨歸故閣思母太恭人

故里何須問干戈擾不休家貧空作計賦重更添愁遠

樹蒼山古荒田白水秋蕭條離膝下欲望淚先流

居慈親故樓有感

孤幼歸寧養雙親喪老年衰容如斷柳薄命似浮烟詩
調淒霜鬢琴聲咽暮天蕭蕭居舊閣還似未歸前

哭五姊倪太夫人

特贈高名傳應憐拙妣談柏舟成愛女樛木衍才男寸
檠身齊苦三槐手澤甘更誰借筆墨孤鏡照霜鬢

塞上曲

馬上干戈常苦饑邊城秋月照寒衣風吹草木連山動
霜落旌旗帶雪飛永夜厲兵傳五鼓平明揮劍解重圍
功成雖有封侯日老將沙場安得歸

秋日與弟姪論詩

南山烟樹遠蒼蒼雨後雲開天氣涼風起寒堦吹昨夜
蟬吟衰柳動斜陽池邊野鳥從榛草竹下溪流聞畫堂
高論不隨秋色盡爲留明月發清光

巳巳夏王母卽世殯天馬山父大人年七十廬墓

側如孺子爲茅舍曰慕亭

慕亭寒苦歲將過手植松楸亦巳多盛夏炎蒸驄馬嶺
嚴冬冰雪木樨河廬中七十徵連理門下三千廢蓼莪
女子不能隨墓側焚香日日誦彌陀

空庭

涼氣初開八九月滿階梧葉落紛紛一簾疎影含秋怨

音韻原卷十一
孤鶴清音切夜聞歲月淹留花自老霜風吹織雁成紋
中庭寂靜無殊玩坐對青松拂白雲

高樓

野岼危橋水不流秋山楓樹對高樓心傷滿目無同調
年老看花憶舊遊返照入林催宿鳥長空淡月隱蒼洲
庭前古樹雲烟積戶外三星天漢浮

送密之姪應試

槐花滿眼望江濤努力南征意氣豪月夜吟哦雲樹靜
星河燦爛曉帆高鯨飛萬里乘波浪豹隱三秋澤羽毛
我老零丁惟望爾秦淮馬上莫辭勞

病中作四首

生來薄命老無依風雨蕭蕭獨掩扉病裏流年將髮變
堂前設席見人稀雙親拭淚憐孤女一弟攜醫問素幃
長夜鐘聲清露冷子規枝上起歔歔

清池綠竹送微涼七月淹留卧鹿床庭戶久違生草色
山川不覺異秋光落花粉蝶傷春夢衲巷玄蟬噪夕陽
休歎殘身多局促且看經卷悟空王

二十遨遊燕與吳長虹霹靂過龍駒皇門世子垂雙鬢
陋巷顏生掩獨樞霜月塊苦悲錦席帷燈書史照寒爐
豈因孤苦恒湮没卜地修碑謚我夫

河水分流入廣川糾糾葛屨履霜天單身未逝隨荒草
一女無留托老年日暮慈烏號秃樹松寒孤岫積清烟

人生倚仗何須歎千古英雄多不全
空齋無事晚風前雨過苔階草色鮮
遠岫雲開舒翠鬢
新荷池畔疊青錢
衰年轉覺多愁日薄命何須更問天
閒坐小窻初病起西林明月幾回圓

秋後作

天高露下菊花開朝夕餐英對碧臺
落日綺窻陰草木
多年朱瑟委塵埃歸寧淑緯誰能識
守信貞姜誓不回
閨閣少年多貴達蓬門白首獨徘徊

過先翁故居

憶昔東村傍翠微春來花發滿黃扉
門迎朱紫三千客
堂舞斑斕七十衣對月金尊歌壁樹
彈琴玉柳拂羅幃
只今故閣生荒草唯有空林帶落暉

姪女子媿失母余撫之今年十五述此有感

多才買石爲金鑿矜佩鏘環首著弁綺
檻讀書臨皓月
幽窻刺繡對芳蘭十年膝下如吾出
明歲江南作婦看
遙憶綵鸞如意舞皖溪梅影一枝寒

思姪女

長堤一帶翠微橫永夜孤舟惟月明
空對寒林黃葉下
回看江水白雲平雁鴻迢遞他鄉遠
兒女分離故國情
隱几徘徊無限意荒村叢薄起風聲

思林節婦

龍眼風雅卷十六
知君太息盡如吾清淨焚香學坐趺夜見枯桑還再拜
朝吟苦竹復長吁山溪亂後花猶發道路人稀書到無
病眼自傷流寓老且從閨閣賦南都

看花

東風昨夜到蒼苔忽見枝頭次第開花發一番人面改
天高幾度雁聲來羅敷陌上桑猶綠越女溪邊春不回
惟有松峰江畔月清光常照碧蘭臺

六弟爾止歸舍有贈

當時文苑擅才華誰信東門學種瓜祇爲乾坤變桑海
遂令木石老烟霞蕭條生計嘗爲客放浪形骸不顧家
最是騎鯨人去後永懷蘭玉涕交加

時挺之姪初歿

求合墓詩二首

自君別後苦傷情六十餘年獨守貞蘭蕙由來多損折
松筠差不愧平生當初顯夢常尋憶今日遷墳敢背盟
薄命若成同穴願挽歌無復斷腸聲

壬申卜地魯王墩癸酉修成雙墓門只待年時求北首
焉知兵火逼南奔饗堂旣燬難重建碑石曾鐫幸尚存
泉路莫悲無後苦未亾人卽是兒孫

看黃葉

風雨催寒色惟看落葉多可憐花樹下不見美人過

寒夜

獨坐南窓下無燈月未明愁懷言不盡歸雁莫哀鳴

愁雨

朝朝寒氣侵身聲倦無力細雨滴空階林花落顏色

聽雁

北雁過高樓南湖起夕愁雲山千里斷此去又經秋

月夜

幽亭溪水碧惆悵撫孤琴夜夜湘潭月清輝滿竹林

寒菊

葉落滄江晚秋隨斗柄回黃花如有意更向老人開

柳

垂枝依碧浦翠色映江樓不管離情怨朝朝繫去舟

讀蘇武傳

從軍老大還白髮生已久但有漢忠臣誰憐蘓氏婦

丙辰紀夢詩

有序

予年十七歸姚子前甫一年前甫逝有遺女亦
復不育至今餘十年矣朝暮禮靈帷默訴而已
昨夢前甫來不見其面但見其身枯衣裳濡濕
予問安否乃相與抱頭大哭曰吾向者之沉疴
也子能盡孝鬻簪珥爲吾醫藥吾之歸山也吾
母之卽世也子能盡禮而盡哀吾安能一刻忘
子之情子憊矣吾所居未寧誰爲理者子淑女
也吾將請于帝益子壽用成子名予對曰所不
如君言者有如此日子忍死備嘗荼苦爲君無

後欲代君爲子以奉翁姑又不幸姑逝此心痛
何極耶予父母亦老旦夕定省以報天恩心長
力短抱恨無涯至于墓事當隨力經營爲同穴
計必俟翁歸請命而後行不敢遽也旣醒而枕
上淚痕淋漓因援筆爲之記

與君一別十餘年誓比陰山石更堅長燭亦含今古恨
照予朝夕此臺前

感君入夢隔幽明轉憶姑嫜鞠我情母子共悲泉下月
傷心孀婦欲無生

楚江懷節婦吳妹茂松閣二首

空林隕葉暮鳥啼雲水迢迢隔皖溪夜發蒼梧寒夢遠

楚天明月照樓西

薄命同罹骨肉哀天涯書信遠難來愁心不似歸鴻影
能逐湘江夜月回

從軍行

玉門關外雪霜寒萬里辭家馬上看晝夜沙場那解甲
報君直欲破樓蘭

老將行

絕漠烽烟起戍樓胡笳吹徹海風秋關西老將行無力
駐馬聞之掩淚流

田家行

桑婦辛勤二月天星河未曙視蠶眠堂前姑老貧無養

織就新絲直幾錢

征婦怨

霜凍圓河風暮號
征人薊北枕金刀
從來皆識沙場苦
誰惜春閨夢裏勞

同二美人文莊溪望

前村新柳拂烟雲
一望南天野水分
日落芳洲春色遠
滿溪桃李不如君

落花

空庭寂寞暗香殘
葉上春光畏曉寒
傳語東風莫吹盡
還留一片與人看

次新開溝

江邊晴樹拂雲斜
三十年前過此家
回首故鄉思夜月
忽聞吹調落梅花

看梅

春風何事到江關
寥落蓬門鬢已斑
惟有溪梅花意好
年年開放舊青山

別金陵諸夫人

日落橋邊車馬催
故人分散水滌洄
江關聞道多貔虎
且盡斯須腸斷杯

題畫上紅梅

一幅紅梅一樹花
四時開放似丹霞
不愁風雨吹零落
常在高樓對月華

音耶 屈平卷一
春日同鄧何二妹飲

姊妹相逢老大哀須教暢叙盡餘杯春風不管愁人恨
昨歲桃花今又開

春水生

三月朝朝聽雨聲南溪春水漲烟平關河遠道無舟楫
多少離愁不得行人

九日

自少艱辛至八旬黃花休笑未亡人雖無旨酒能酬爾
也對幽芳晚節新

